


KULUTA KAZA MUSHE

 Ku lukile. Mulimu aku fuyole, Muzwale Neville. Ki kakusasana, balikani. Ni lukela kutalimela pili ni bone haiba ki kakusasana kamba manzibwana. Kihande, Ni tabile fa kuba mo kakusasana cwana. Kwa futumala, mi kaniti muna ni kamuhelo ye futumala. Haluna nako ya mbumbi ni hanyinyani; luna ni litabula ni maliha kwanu, nji cwani? Lika kaufela libonahala kuzwa mwa nzila, ka mukwa omuñwi.

² Kihande, se si ni liyehisize, Ne—Ne ni sweli kufiyela mwandu. Mi Ne ni utwa kutamana ni mabote kakusasana cwana. Mi Na zuha ka kuitahanela luli, kono Ne ni si ka lemuha kuli musali una ni zeñata hahulu za kueza, bana ni tapisa banana babalalu ku ba lukisa mi kipeto ba ye kwa sikolo sa la Sunda. Oh, mawi! Buñata bwa za kueza, kufitelela mo ne Ni hupulela kuli kona ze lukela kueziwa. Mi Na hupula kuli, “Kihande, cwale. . .” Maabani manzibwana ne ni beleka, mi—mi Na—Na zwa mwa simu ya bulumiwa. . .? . . .Mawi, hanili milwalo itata ku i toboha yona? Hum! Ne ni lukisize seti-faifi dollars mwa biki kuli mutu ani bonele kwateni mbututu, mi hakuna ya na tile.

³ Mutangana yomuñwi na ñozi siemba mwa mutende kwanu ha ki kale hahulu. Kakuli, se ha si yangi ku se. Na li kwanu, ki mutu yomuñwi wa litaba za naha kwanu ona mwa Kentucky mo, ali na bile mwa bulicimende habeli, na holofezi linako zetalu, kakuba sinata, na pilile ni muina tuko mwa silalanda, na ezize lika zeñata, apilisa bupilo bwa banana bababeli, yomuñwi a muyangwela mwa kasa mi yomuñwi kusili fela, alibala kaufela za na lukela kueza. Mi mafelelezo ahupula kuli, kihande, ulukela ku nga babapani ni bona hande, kakuli na bata kuikenya mwa liketisa. Mi hana ezize cwalo, kuzwa mwa batu baba kuma fa wani handeleti sauzande, afumana maboti a ketalizoho. A yo buza mubusisi haiba na ka lekiswa tobolo ya ku mutusa zwa mwa muleneñi mwa na pila, ali, “Ne li nto yesabisa neba kupila mwa tolopo.” Na si na balikani bene ba ka mutusa kututa mwa tolopo. Bo ki buitumelo mwa ma American, niteñi, nji cwani? Yeo ki niti. Mwa America, zona zo eza, kona ze ka libelelwa ku wena kueza ka buñata. Yeo ki niti, zeñata za libelelwa ku wena.

⁴ Kihande, Ni bata kufitisa manzwi a buitumelo kakusasana cwana ka mo keleke ibonahalela kukena ni bunde. Mi ha ne Ni taha, ba beile sikwalo fani kuli moya ukene. Kacwalo zeo ki zende luli, kamba ki mañi kaufela ya li mwa katengo ka basepahali kwanu yatusize kueza taba ye. Sani luli neli sesinde, mi ki musebezi o munde o kenile. Ni sepa ki Muzwale Hall, haiba ha Ni si ka fosa, nji cwani. Wani ki musebezi omunde luli.

⁵ Cwale, nako se iile nyana, kono mwa ziba sicaba sa ba za kukena mo si inezi. Mwabona, halina nako yeñwi, nji cwani, Muzwale Slaughter, Muzwale Deitsman? [Muzwale ni babañwi bali, “Batili.”—Mu.] Lika kaufela inge fela mo lu lingela.

⁶ Ne ni bile ni mikopano yeminde kwa Mboela! Kono Ne ni kutalize fela ka mazazi a likani fela afelile. Ne ni kutalize likweli zene, zenamile, mi Ne ni sina linzwi neba laku—laku shobotisa. Ne ni kobeta fela musala ka ka lizoho, mwa ziba, ha Ni bata sika, mi ki mufuta wa . . . Mi cwale kasamulaho wa fale, ni kutaha kwanu ko ku bonahala moya o sa swalehi hande mo ubezi cwana, (kiñi, zazi le kwa bata mi lelitatama kwa cisa), Na kenelwa ki libelenge leli maswe-maswe. Mi se Ni zuha, mazazi nyana afitile, mi na kala hape. Mi kacwalo lu itumela ku Mulena yomunde, niteñi, ka bunde bwa Hae kaufela ni sishemo ku luna, ni—ni ka Mwa bezi bunde. Neluna ni mikopano yeminde kwani, mi Mulena a lu fuyola ka butuna, kufutisisa.

⁷ Mi maabani busihu, bukaufi ni mwahala busihu, Muzwale Wood a ni bizeza kwa ndu ya hae, ni Muzwale Arganbright fa luwaile, neba bata kuli ni kalele kwa Switzerland. Kacwalo, ki zeñata hahulu ku muuna muhulu.

⁸ Kacwalo, he, mukopano wa luna otatama ukala la ilebene kwa kweli yetatama ye, kwa Cadle Tabernacle mwa Indianapolis. Kwani kwa—kwa Cadle Tabernacle mwa Indianapolis, kuzwa kala ilebene kuisa la fifitini. Mi cwale kuzwa fani, lu ya kwa—kwa Minnea-. . . Minneapolis; kuzwa kwa Indianapolis kuya kwa Minneapolis, Christian Business Men.

⁹ Cwale Ni sepa kuli Muzwale Neville na ni bizize, mi Ne ni bata ku bonisa za . . . kubulela buitumelo bwaka ku yena ni ku baopeli babalalu ba ha Neville bene batile ku to opelela kwateni fa maswabi ani, Ne ni bile cwalo zazi la maloba. Mi Na buza Muzwale Neville; nelusina baopeli babañata, lubasi lwa ba ha Liddick; fani Bo. Liddick ha ba ya kwa Hae kwa Kanya. Mi Na kaniti. . . haiba mwana hae, Ha ni muboni mo; mi Na lemuhu kasamulaho kuli neli mwana wa mutose. Ka kuziba kuli ndatahe nashwa, asika piliswa, amatela kwa lapa ku to ni biza, asika ba . . . mi bondatahe ba piliswa ba si ka shwa kale. Kacwalo nto yetuna mushimani yani akile aeza fateni, neli kutaha ku to nga mutu kuli alapelele bo ndatahe ba si ka ya kale. Mi ni baopeli babalalu ba ha Neville ba to ba opelela ka minembo yemunati.

¹⁰ Mi kacwalo Muzwale Neville uni buzize haiba Ni ka bulela kakusasana cwana ni manzibwana a, hape. Kacwalo mwa lemuhu, Mañolo ali, “Mukupe ka buñata kuli. . .” Kacwalo Muzwale Neville kaniti uyemi ka Mañolo fa litaba zeo, hahulu luli! Mi kacwalo Ni ka eza zende luli.

¹¹ Cwale, Ni bulezi kakusasana cwana, kakuli ki Lizazi la Bahame, mi lubata ku ambola ku—kwa bana babanyinyani. Ne ni

hupuzi kuli kakusasana cwana ikaba nako yende ya—ya banana babanyinyani. Cwale Ni sepa kuli lizazi la me . . .

¹² Cwale, hakuna sesñwi sesinde mwa lifasi, ze lu ziba, kufita me yomunde, wa luli. Mulimu afuyole moyo wa hae o sephala, me wa niti, luli. Kono luna ni lika za kuyolisa hahulu kacenu ze—ze bizwa kuli “ima,” bao boma; ki basali fela babana ni bana, kono isiñi me. Me wa mufuta wa kale ki alimuñwi ya tokomela lubasi lwa hae, mi kusina kuina mwa litebule ze ni mwa mikiti yakubina, mane ni kupungwetisa masihu, kuzuba, kunwa, kutaha mwali. Ha swaneli libizo lani la kuli me. Ki musali fela, ku felile, ya sweli kuuta mwana; kono isiñi me, kakuli *me* una ni taluso ye shutana ku yona. Cwale Na—Na sepa haiba mina . . .

¹³ Cwale, kwa Lizazi la Bahame, Ni bata kubulela hande ka swanelo. Nina ni boma bababa na ni limbi basupali bainzi fani, nina. Mi Ni nahana kuli, lizazi fela, ku lukile; kono zazi ni zazi li lukela kubanga zazi la bahame, isiñi hañwi mwa mwaha. Mi libaka leo Lizazi la Bahame le lika ha li ezahala cwale . . .

¹⁴ Mi Ni bona kuli luna ni fela baba likani, mi kaufela lwa zibana. Lu batu ba lapa li liliñwi, mi leo kona libaka le li ka bulelela ka nzila ye.

¹⁵ Ni sepa kuli me ulukela kukutekeha zazi ni zazi ka kuswana, yeo ki niti, ki me wa luli. Mi, kono zazi le ba li biza Lizazi la Bahame, ha ki nto yefiwa likute mwa lifasi kono ki za litekisano fela, ka kufeza fela mashelēni a batu. Mi ki maswabisa ku me, kuli Lizazi la Bahame, ka silimo sesiteni, “Kihande, ha lu yangi ku yo ba bona, kono lwa ba lumelezanga sikocela sa lipalisa mi ao kona mafelelezo.” Bani ha ki boma! Mawi, bunde! Me wa niti ki musali yo . . . ya ku hulisize, mi wa mu lata, mi wa mubonanga ni kuambola ni yena ka nako kaufela. Mu bonisa lilato la mina ku yena ka nako kaufela, isiñi fela lizazi liliñwi mwa silimo.

¹⁶ Kono Ni si ka kalisa fela kale fa papali nyana yaka, Ni tabela fela kubulela cwana, ni ku ncaafaza . . . Babañwi ba mina, buñata bwa mina mu shwile, buñata bwa bona ba ile kuzwa se fo li ezelizwe. Neli ka silimo sa 1933.

¹⁷ Kana ne muboni mwa mutende masihu nyana a fitile koo musali yani na bulaile muuna yani? a munepela mwa nzila mo kufita limota ni kumuhata kwapata ni kukuta mwa mulaho ni mota ya hae kufitela a mu luba luba fela mwa nzila mwani. Mi se bali, ba—ba bayemeli ba milao ni babañwi cwalo, bali, “Kana zeo ha li nyazi lizwalo la hao?”

Musali ali, “Mulimu ni Na ke lukatala kubona basali mo ba ketululelwa.” Huh! Eehe, ki siswaniso se si lapelwa. Yeo ki niti. “Wa katala.” Kana naha ye ika kusufala kufita kai? Lukona kufita kai kusina katulo ya Bumulimu, Na komoka? “Mulimu ni Na”? Haiba Mulimu nana ni mulatu wa bukuba kaufela bone ne tamelezwa ku Yena, Na si ke aba Mulimu, ku felile. “Mulimu ni

Na”? Mawi! Mulimu haana sa kueza ka lika ze cwalo zeo. Hani zibi ha kaba kwabuse mwa linyando, mwa ka yo nahanela ka zona nako yeo? Oh!

¹⁸ America! Cwale mu hupule haiba ha mu si ka utwa se, ha mu si ñole, mu si ñole. Wo kona mubonelo waka. Mwabona? Ka 1933, ha ne luna ni lisebelezo kwanu koo babahulu, Ni lumela kuli Church of Christ iteni kwani cwale, ne i banga ya kale. . . Iteni kwanu, Muzwqale Neville, ona kwanu fela cwana. Charlie Kern kona kwa na pila kwani. Ki sikamañi seo. . . Ndu ya lindiala kwanu kwa Meigs Avenue. Ka 1933, Ni amuhezi fela Ford ya 1933, mi ne Ni inezi kakusasana wani ku Mulena. Mi, ni si ka zwa kale kwa lapa, Na bona pono. Ni li ñozi fa, fa papmpili ya kale ya mubala wa yelo ye sa libelela mwa Bibe. Ne ni boni nako ya mafelelezo isutelela.

¹⁹ Mi, mina, ki babakai baba hupula mota ya '33 mo ne i bonahalela kwa mulaho kwani? Oh, neli inge ye zamaya sina *cwana*, ni kukuta kwa mulaho koo, ni kupuma kwani kuli taya yeñwi ibeiwe fateni. Ne ni boni pono, kuli, “Kutaha kwa Mulena ku si ka ba kale, kuli limota ne li ka bonahala inge lii.” Ki babakai baba hupula kunuha kwani? Kana kuna ni yomukana ya siyezi moo? Muzwale Seward u ile. Mi Ni sepa kuli. . . Ne li ka 1933 hane luna ni lisebelezo ona mo. Ni sepa kuli buñata bwa bona se baile cwale, kuzwa ka nako yani.

²⁰ Mi Na nuha, kuli, “America, mulimu wabona wa pili ukaba basali.” Kona mo liinezi. Lika kaufela ki za mufuta fela wa Hollywood. Ni na ni lika zezwile kwa piho yana FBI ze ka mi komokisa mane muome mati mwahanu ka—ka ku mibulelela fela, ona koo. . . Ni ziyezi yeli fa babapali ba mafilimu baa, hakuna neba alimuñwi wa bona, mane, kono kaufela ki mahule. Mi ba FBI ba li shongotozi nako yefelile fela fa. Ni na ni zona mwa piho fela yabona. Mi kacwalo kaufela bona bazwile, neba ona babapali ba mafilimu ba, kwa na bonisize, ne ba keni ni ku yo banga, apila ni baana, twenti-faifi ni fifite dollars mwa busihu, muuna, kai ni kai kaufela, mwa Hollywood ni likaba zeñwi, nebana ni mandu a kwa mukunda ni baana kwateni kwani ko ne ba ba luna kwa sicaba se. Mi seo kona se litalima kusona, televishini, ni—ni kwande kwanu fa mazimumwangala a ni lika zeñwi, ni kulumeleza bana ba luna babize sani kuli ki siswaniso sesi lapelwa. Mi ni kubisa sani kuli *ima?* Zeo li kwahule maswe ni kuba me. Ao ki masila. Yeo ki niti. Mi ibo ba busa muzamaelo wa lizazi. Lu ba tuhelezi. . . mufuta wa litino ze batina, mutalime basali ba ma American mo ba tinela mane sina bona, ni lika kaufela. Luli. Mi mulimu wa America ki musali. Isiñi Jehova; ba keluhile kuzwa ku Sani. Isiñi ku *me* cwale, cwale mubeye zeo kwatuko, seo ki sika se si kateleha se luka bulela; kono Ni talusa *musali*.

²¹ Mi, muhupule, Ni nuha kuli ku si ka ezahala kale sinyeho yetuna, zeo ha Ni bulelil kuli ki Mulena ya ni bulelezi zona, kono

Ni lumela kuli ku kaba se si ka ezahala mwendi mwahala cwale kamba ka nako yani mwa '77. Sa kona kutaha ka yona hola ye. Kono mwahala cwale ni '77, Ni akaleza kuli ikaba sinyeho yetuna kamba kuyunda kwa lifasi kaufela, mwahala cwale ni '77.

²² Ne ni nuhile cwana, kuli ka 1933, Ne ni nuhile kuli basali ba kazwelapili mwa buino bwa butanya mi naha i ka zwelapili kuwa, mi ba ka zwelapili kuswalelela ku me, kamba inge me ya cwalo, kufitela aba ya cwalo, musali afetuha mulimu ya lapelwa. Mi kasamulaho nyana, kuti, "America ika busiwa ki musali." Mu li ñole mi mubone haiba ha li si ka luka. Musali uka nga sibaka sa Mueteleli wa naha kamba nto yeñwi, yetuna, ya puso yeñwi yepahami mwa America.

²³ Mi, ha Ni bulela se ka likute, likalibe, musali ha zwa mwa situngu, u zwile mwa sibaka sa hae. Yeo ki niti. Mwani kona mwa swanela kufumaneha. Kwanda mwani, hana sibaka. Mi cwale, ha Ni ba hateleli, kono Ni bulela fela sesili Niti ni seo Bibebe ili sona . . . Ne kubanga kuli muuna ki yena toho ya ndu, kono mwani neli mwa mazazi a Bibebe. Ha sa li yena cwale. Ki sipupe fela, kamba ki . . . kamba ki neni wa mwana kamba nto yeñwi. Mi cwale, batili, bona ba tabela kubabalela linja, ba tabela kupepa ka kushambokisa bana, ni ku lwala nja mwa mazoho nako kaufela, kuli mukone kumata mata busihu kaufela.

²⁴ Ha—Ha ni buleli ka boma. Mulimu aba fuyole. Kona ze bulukile naha hamoho cwale, licika fela, ki me wa luli, yomunde, yaswanela, ya pilisizwe ki Mulimu. Yeo kona niti.

²⁵ Kono maswabi mo se ba bezi bahame baluna bati! Ni na ni kaemba ka pampili, ko ne Ni pumile kasamulaho wa Ndwa ya mafelelezo ya Lifasi ye, ya bubeli, fone kuizwe, "Kana buiswalo bwa basali ba ma American iile kai, kuti, kasamulaho wa likweli ze silezi zakuba kwabuse bwa mawate, babane mwahala masole babafaii kaufela ba lukuluhile kwa basali babona, mi banyezwi kwa baana basili?" Mi mane na sa koni neba ku ba libelela kuli baye kwabuse bwa mawate, masole kwani banze ba shwela mwa mafulo a ndwa! Mutu yaeza ze cwalo ha swaneli kubizwa me, leo ki libizo le li ipitezi. Batili, ha ki cwalo. Kacwalo Ni bizwa kuli ni "ya toile basali," kono ha Ni cwalo. Ni sepa kuli musali ki nto yende, mi me, sihulu. Kono balukela kuba mwa libaka za bona mi basike ba nga sibaka sa mutuna, mi isi kunga sibaka sa Mulimu.

²⁶ Mi kakusasana cwana Ne ni utwa keleke ya ba holiness ibulela, kuli, "Me u busa linaleli za Lihalimu," ni ze kaufela. Ni nahana fela Makatolika ka kueza zeo ku Maria wa mwanango, ni babañwi baba cwalo, zeo, za ku lapela basali baba shwile bani, Saint Cecilia ni babañwi baba cwalo, zeo kona mufuta opahami wa bulapeli bwa mioya ya nzila. Kona fela mo kuinezi. Sika kaufela se si lapela ni bafu ki bulapeli bwa milimu. Kacwalo, kuna ni fela Mulapeleli alimuñwi mwahala Mulimu ni mutu,

mi yoo ki Kreste Jesu. Yeo ki niti. Hakuna muhalalehi usili, hakuna sika kwanda Mulena Jesu Kreste ki yena fela Anosi Yali Muyemeli mwahala Mulimu ni mutu. Kono ha Ni bona likeleke, nahaiba ka kukutela kwa katala, likute kaufela le li zusizwe ku Kreste ni kufiwa ku me, likute kaufela se li felile, mi—mi ba kalisa mi ki fo cwale.

²⁷ Kacwalo, kono kuna ni me wa niti ya sa siyezi. Kulumbwe Mulimu! Kuswana fela inge ha mubona muipi; kuna ni Mukreste wa niti ya pila bupilo bwa luli. Fo mubezi ni butata, kuna ni tuso. Yeo luli ki niti. Mi cwale, me wa mufuta o cwalo ni mwana ya cwalo yani, kiyena ye lu tabela kuambola cwale mwa Bibebe.

²⁸ Cwale ha Ni zibi, kuli ki bashimani babakai ni basizana babanyinyani bo lunani mo kakusasana cwana? Haiba mu utwile tukiso fa silimba ya Muzwale Neville maabani. . . Ki bashimani ba banyinyani ni basizana baba tabela kutaha kwanu ku to ina fa sipula sa kwa pata ha Ni sweli kuambola ku mina? Kikuli mu tabela kutaha kwanu? Kuna ni sili siñwi, zepeli, zetalu, zene, lipula ze ketalizoho kwanu; silisiñwi fa, ki sikisi, ni lipula zelikani zeliteni fa. Kikuli mwalata kutaha kwapata, babañwi ba mina banana baba kona kuikinela kusina mama, mi mutabela kutaha kwanu? Mu amuhezwi ni kufita! Bahame amu tahe. . . [Muzwale Neville uli, “Kuna ni babañata; buñata bwa bona mwa sibaka sa sikolo sa la Sunda.”—Mu.] Oh, bateni mwa sibaka sa sikolo sa la Sunda. Kihande, zeo ki zende. Lu ka libelela fa mizuzu nyana, lu ambole, mi ba ka zwa mwa mizuzu fela yelikani. Mi lu ka kopana fela kwanu, ni banana ba meto amansu, ni a mafubelu, ni a bulu, kulo kwanu, ni—ni ku ikambota fela ku mañi ni mañi wabona. Cwale, ki ba bakai baba lata Mulena? Muli, “Amen.” [Kopano ili, “Amen!”] Ku lukile.

²⁹ Cwale Ni bata kuambola kwa bahame ni bana, mi li talimana ni bona.

³⁰ Busihu boo, haiba Mulena alata, Ni bata kubulela fa makazo yapili yana ezize Jesu, ni mo ne i ezelizwe, mi ka mata a teñi, mi ni sa Na ezize ha Na ezize za Hae. . . Ki ba bakai baba ziba makazo yapili ya Na ezize? Amu bulele, kaufela hamoho: “Na fetuzi mezi kuba veine.” Yeo ki niti, makazo yapili ya Na ezize. Cwale, haiba Mulena alata. Hane Ni sweli kubala, kakusasana cwana, ne si tile fela mwa munahano waka.

³¹ Ni bona kuli luna ni mulikana luna yomunde, Muuna ni Musala hae bao ki bo Yeker kwa mulaho kwani, Na sepa, kakusasana cwana. Ni ba boni fela ha Ni fetuhezi kwa neku le kafa. Zazi leliñwi Ne ni ilo tatubiwa; Ni lukela ku itiisa ka za kutatubiwa bakeñisa musipili wa kwabuse bwa mawate. Mi, ha Ni ka yo kuta, kimañi yene Ni katani usili kanti neli bo Muuna mutu ni Musala hae bo Yeker, inge bainzi kwani kwa ofisi—ofisi.

³² Dr. Schoen, mwa Louisville, ki muzwale yomunde luli wa Mukreste. Na mi bulelela, Ne ni katani muuna tenyene luli

kwani, wa niti luli ya lumela ku Mulimu ni kubeya teñi sepo ya hae. Mwa ziba kana? Ni ka mi bulelela. Ni fumana madokota babañata baba lumela mwa foliso ya Bumulimu kufita bakutazi bo Ni fumani. Yeo ki niti. Mu ambole ni bona. Bakali, “Kiniti.” Mi cwale yena. . . Ha Ni ya kuli ni funduke, aswala lizoho la ka, mi ali, “Muzwale Branham, u tusa hahulu batu kufita mo Ni kona kuezeza.” Ki hali, “Yeo ki niti.” Ali, “Ukona kutusa batu bo Ni palelwa kuswala na mane.” Nali, “Ki niti.”

³³ Se nili, “Kihande, eni sha, wakona kuluka, kamba kubeya lisapo, kamba nto yeñwi ye cwalo. Kono Mulimu ki yena ya folisa.”

³⁴ Ki hali, “Yeo ki niti.” Amen. Oh, Ni tabela kubona batu, ba booko bo bu nahana zetuna. Ni nahana za sajari, ni za dokota wa milyani, ni yakona kutoba, ku katulula mubili, foliso ya Bumulimu, ni zeo hamoho, haiba iliñwi ya zeo ikona kutusa mutu, Ni ka li yemela. Mi ha mu fumana dokota ya nyaza mukutazi; ni mukutazi u nyaza dokota; mi ni yaziba za kutoba mubili anyaze—anyaze mupazuli; mupazuli anyaze dokota wa milyani; mwakona ku nahana taba ye, kuna ni mulelo omuñwi wa buitati kokuñwi. Yeo ki niti, kakuli mañi ni mañi wa bona u bonisize kuli u tusa mutu. Yeo luli kona niti.

³⁵ Cwale taba yateni ki kuli, Na sepa, haiba milelo ya luna ilukile, mi lipilu za luna li lukile kwa sicaba, lu lukela kubelekisana hamoho kuli lutuse muhaesu, kuli ite lube ni bupilo bo bu bunolo. Mi kipeto milelo ya hao haina buitati, ukana ufa tumbo ku Mulimu Yena ya fa lika kaufela kusina tifo. Amen. Eeni, sha. Oh, halu lukeli kuba ni buitati kai kamba kai; ilukela kuba ka kupetahala.

³⁶ Haiba yaziba za kutoba mubili wakona kutusa *se*, ni yena ya ziba za kuotolola masapo akone kutusa neku *le*, mupazuli ni yena atuse neku *le*, mi sesiñwi si tusa *yani*, ha lu lapeleleñi lika kaufela, amen, kuli Mulimu atuse fela sicaba sa Hae sesinde kufola ni kuba ni tabo. Kakuli, haluna nako yetelele yakupila fa, ki mazazi fela alikani mi lukabe lu fundukile, kuliba kokuñwi. Kacwalo se lu lika kueza ki kupanga bupilo bo bu bunolo nyana kuli mukone kuba ni nako yende hamunze muli fa. Amen.

³⁷ Cwale fa muhupulo woo, ha lu inamiseñi litho zaluna lusika apula kale Bibebe, ni kubulela ku Mupulusi waluna yomunde.

³⁸ Wena yamusa, Ndata luna yakwa Lihalimu, lutaha ka buikokobezo kakusasana cwana fapila Kubateni kwa Hao, ni ku itumela ku Wena fahalimwa lika kaufela zekile zaba teni mwa lifasi, kamba ze kaba teni kaufela, ka Mulena Jesu Krete. Kakuli, Na li Yena ya Na kopanyize mutu ni Mulimu hamoho, ni ku lukutisa luna lu sa swaneli, bayambaeli ba kwahule baba sa zibi za mulena, kwahule ni Mulimu, ka—ka keto, ya luna bañi, lwa nga keto ya luna bañi mi lwa zwa ku Yena. Kanti Yena nali yomunde hahulu mane ataha, mi ha ne lu sa tabisi ku Mulimu,

hane lu sa li fela baezalibi, kwahule ni Mulimu, Na lu kutisize kukutela ku Ndate, ka kusuluha kwa Mali a Hae Tota.

³⁹ Mo lu itumela ku Wena ka Yena! Mi kacenu u yema sina Muyemeli, yena Anosi mwahala Mulimu ni mutu, Yena yakona kufa milapelo kutaha fapila Kubatani kwa Mulimu, ka buino bwa Mali a Hae Tota Ana suluzi kuzwa mwa lifasi kuliba kwa Kanya. Ataha mwa lifasi mo ka nzila ya sicelo, apepelwa mwa sikungu. A zwa mwa lifasi, ka koto ye butuku. Lifasi ne li sa Mu lati. Lihalimu ne li si ka Mu amuhela, kakuli Nali muezalibi, Nana ni libi za luna ku Yena. Lifasi ne li sa Mu lati. Ne li Mu hanile, “Muzwe ku Mutu ya cwalo!” Mane nana ni . . . nekusina nihaiba sibaka sa kupepwa ku sona, kamba sibaka sa kushwela. Mi A nyendaela mwahala Lihalimu ni lifasi; Lihalimu ne li si ka Mu amuhela, kamba lifasi ne li si ke kuba ni Yena. Mi A shwa, nihakuli cwalo, kuli alu pilise kwa sibi, kufolisa matuku aluna, ku lufa tabo ni kupila kokunde ha ne lu sa li mwa lifasi. Ha ki Mupulusi ni yoo! Oh, mo lu itumela ku Wena ka Yena!

⁴⁰ O Mulimu, lumeleza silalo sa lipilu zaluna si suluhele ku Yena, mi Yena fela anosi. Mi likute kaufela ni milapelo kaufela, lika kaufela ze zwa mwa milomo ya luna kamba lipilu, ha li beiwe ku Yena Ya swanela lika kamukana, Yena Yana inzi fa Lubona zazi leliñwi, ni Buka mwa lizoho la Hae. Hakuna mutu mwa Lihalimu kamba lifasi yana swanela nihaiba kutalima fa Buka, kamba ku tamulula Maswayo ana I swaile. Mi Ngunyana ye ne tabilwe, mutomo wa lifasi, ya taha, ya I nga mwa lizoho la Hae, a kwalula Maswayo ni ku tamulula ma—ma Manzwi, kwa sicaba.

⁴¹ Mi, Ndate, lu lapela kacenu kuli Moya o Kenile wa Hae u tamulule lipilu za luna kuzwa kwa lififi la ona kaufela, tamulula malimi aluna kwa buhali kaufela, swalela libi zaluna kaufela, ni zwisa lififi kamukana, ni kukena mwa lipilu zaluna kakusasana cwana.

⁴² Mi sihulu bana babanyinyani baa, Mulimu, ba fuyole habanze bainzi mo kakusasana cwana ni boma boma babande. Mulimu, mo lu itumela ku Wena ka busali sakata, ka basali ba niti! Mwahala lififi le kaufela ni buapeli bwa milimu, ni kubola ko ku masila a lifasi, ibo lu na ni bahame, ba luli sakata. Mo lu itumela ku Wena ka bona! Banana ni babahulu, hamoho cwalo kaufela, lwa itumela ku Wena, Ndate, ka bushemi sakata. Mi lwa lapela, Mulimu, kuli U ba fuyole.

⁴³ Kubona, ka kuina mo kakusasana cwana, buñata bwa mizwale ni likezeli zaluna ba ba tinile liapalo zesweu ze kamba mubala wa lipalisa za mubala wa pinki, kutalusa kuli boma bona babande se ba liseli kwabuse bwa lisila, kuliba kwa neku leliñwi; isiñi kushwa, kono na pila kuyakuile. Zazi leliñwi ba ka taha, ni bona, kwa nuka kwani, mi ba ka yo mu bona hape, kwa neku

leliñwi. Babañata batinile lindelesi zefubelu, boma ba sa liteni. Lwa itumela ku Wena ka seo.

44 Lulapela kuli U lu fuyole hamoho halunze lubala Linzwi la Hao, kakuli lu kupa ka Libizo la Kreste. Amen.

45 Cwale Mulena ami fuyole. Mi lukalela hande mwa Linzwi kakusasana cwana. Cwale, pili, kusikaba kale papali nyana ye, Ni nahanile za bahame ni bana babanyinyani . . . Mi mane ba ka ni utwa, kakuli nto ye ina ni mulumo luli. Mi Ni ka fa papali nyana, kakuli Ni bile ni lemuha cwale lisebezezo za ka, fokuñwi tupapali nyana twa tusanga hahulu. Nji ha mu nahani cwalo? Banana ba utwisisa hande. Ni talimela fa libunda nyana, la bashimani ba meto abenya baba inzi fa, baba ni talimezi cwale, baba kaba baana ba kamuso haiba kuna ni kuba kamuso.

46 Mi cwale lu si ka ba kale ni papali, kamba sika kaufela se si ezahala mwa keleke, sina ni kuba ni mutomo wa Bibe. Amen. I lukela kuba mutomo wa Bibe. Pili, kaufela ha lu apuleni mwa Mateu, kauhanyo ya 16 ni timana ya 25, mi luka bala litimana zee. Pili, halunze lubala, lu itukise, mwendi ka nako yeo banana bakabe bazwezi fande. Cwale Mateu 16:25, lu bala cwana:

Kakuli ya ka pilisa bupilo bwa hae uka latehelwa ki bona: mi kaufela ya ka latehelwa ki bupilo bwa hae ka bakalaka ka u ka bu fumana.

47 Cwale, le ki Liñolo leli butokwa luli. Halu li baleñi kaufela hamoho. Mu bulela sikamañi? Mañi ni mañi, banana babanyinyani ni mina kaufela, hamoho cwale. [Muzwale Branham ni kopano ba bala Liñolo le li tatama hamoho—Mu.]

Kakuli ya ka pilisa bupilo bwa hae uka latehelwa ki bona: mi kaufela ya ka latehelwa ki bupilo bwa hae ka bakalaka ka u ka bu fumana.

48 Mwa ziba, bashimani ni basizana, mi Na ziba babahulu ba ka ikola zona sina bana mo ba ka ikololela zona. Kono, Liñolo leo li butokwa hahulu! Mi Mañolo amañwi a butokwa hahulu kuli Mulimu u a beile mwa likalulo zene kaufela Evangeli: Mateu, Mareka, Luka, ni Joani. Kono, le neli le libutokwa luli U libeile mwa linako ze silezi mwa Evangeli! Linako ze silezi zeo za zwa mwa milomo ya Hae Tota, Jesu.

49 Cwale mwa Mareka, lu ka apula mwateni, mwa kauhanyo ya 8 ya Mareka, ni kukala ka timana ya 34, mi Ni ka bala amañwi fateni. Mi Ni bata kuli mulemuhe fa hape, ka zwelopili nyana fela fani fa na bulezi Jesu ka zona. Mi muhupule, Na li beile ha sikisi mwa Evangeli, kuli libe ka kutiya luli! Zepeli ki bupaki, kono U li beile halalu kuli, mwabona, kuli mu no li hupulanga kaswanelo.

Ha sa felile—ha sa bizize sicaba ku yena ni balutiwa ba hae cwalo, ali ku bona, Yo kaufela ya ka ni latelela, a i

kane ili yena, . . . alwale sifapahano sa hae, mi ani siyale mwa mulaho.

⁵⁰ Cwale, alimuñwi wa batoloki na beile kuli, “Alwale sifapahano sa hae mi a Ni latelele ka zazi.” Cwale, cwale timana ya 35. Muteezeze:

Kakuli kaufela ya ka babalela bupilo bwa hae uka latehelwa kibona; kono kaufela ya ka latehelwa ki bupilo bwa hae kabakala ka ni evangeli, uka bupilisa.

Kakuli ki sikamañi se si ka tusa mutu, haiba aka luwa lifasi kaufela, ni ku latehelwa ki moyo wa hae?

Kamba ki sikamañi sa ka fa mutu kuli aipumanele moyo wa hae?

⁵¹ Cwale ha lungeni timana ya 35 ye ni ku i bulela hamoho cwale. Ku lukile. Cwale halu buleleni hamoho. Lu ka nga Mareka 8:16, cwale ha lu buleleni hamoho; Mareka 8:16, mu ni swalele, Mareka 8:16, 35. Batili, Ni ifosize kanti. Mareka 8, mu ni swalele. Mareka, Muñoli Mareka, kauhanyo ya 8, timana ya 35. Cwale ha lu ilikeni. Muñoli Mareka, kauhanyo ya 8, timana ya 35. Cwale lu ifumani. Ha lu ibaleñi. [Muzwale Branham ni kopano ba bala Liñolo lelitatama hamoho—Mu.]

Kakuli kaufela ya ka pilisa bupilo bwa hae u ka latehelwa ki bona; kono yaka sinyehelwa ki bupilo bwa hae kabakala ka ni kabakala evangeli, . . . uka bupilisa.

⁵² Sa tabisa kana? Cwale, lu ka fiteleza cwale ni likande nyana la luna, mi banana habanze ba taha ba ka ina mwa libaka zabona. Balibeleli ba fa munyako mu ba tuse habasweli cwalo, ka kukuza . . . mubone haiba mwakona ku ba tsa kwanu, halunze lunga ni kubulela likande la luna. Lu ka kalisa taba ye, kakusasana cwana, fa papali. Mi Na, nako yeñata luli, kwanu mazazi nyana afitile Ni . . .

⁵³ Muzwale ni Kezeli Wood nebali nina, Na lumela, kwani kwa mukopano wa mafelelezo, mi ne Ni ambola kwa Mukushuko wa Baana ba Pisinisi ya Sikreste. Mi Na fa papali nyana ya Zakia mwa . . . inza pahami kwa kota ya sikomora, mi, nako ya na tile Jesu, ni mwa na pamulezi singongolo sa manyalala, mwa ziba (ni kubonisa ka mukwa wa papali), mi apahama kwa kota, kuli abone Jesu; muuna wa pisinisi uinzi kwa kota, mwa ziba, kuipata Jesu. Mi Jesu na sa zibi kwa na inzi, inge kuli nasa zibi, mwa ziba. Mi cwale ki hali, “Oh, ba ni bulelela kuli Muuna yani u ziba lika mane wakona kubulela ze sa taha kwapili, mi uziba ko ne kuinzi tapi ni sheleñi. Ha ni lumeli cwalo.” Mi Jesu ataha mwatasi a kota. Mi ki hali, “Oh, Ha koni ku ni bona, Ni inzi kwa kota.”

⁵⁴ Jesu ayema ni ku inula meto, mi ali, “Zakia, taha tuluka.” Na sa zibi fela kuli naliteni kwakota kwani, kono Na ziba ni libizo la hae.

55 Kacwalo Ni sepa kuli papali yenyinyani fokuñwi yatusanga batu baba hulile, bashimani ni basizana bababulu, ka kuswana fela sina banana.

56 Kacwalo cwale mwakona ku ni buza, hasamulaho wa kufeza taba ye, “Muzwale Branham, u zwisa kai litaba ze ni batu bao ni mabizo abona?” Babañwi ba bona, Ni tusizwe ki mulikana ka yomunde, Muzwale Booth-Clibborn. Ni yomuñwi, neli Josephus, muñoli yomutuna wa litaba za kale. Mi ni libuka fahalimwa litaba za kale ze Ni balile, ka za taba ye, ni zeñwi cwalo. Mi cwalo kona mo Ni ngela zibiso yaka ku se lu ka fa mwa papali kakusasana cwana, ya se.

57 Ni bona kuli bana baluna ba zwa cwale, mi kwa likande le kakusasana cwana le lu ka bulela. Cwale mina bashimani ba banyinyani ni basizana, haiba mwa kona, buñata bwa baba bata, mutahe kwanu kwa pata. Luna ni lipula ze ketalizoho kamba ze silezi za mukungulu. Haiba mutabela kutaha kwanu, luka tabela kuba ni mina. Basweli fela kutaha kwanu kapili kwa papali nyana fa.

58 Mi cwale kona mo Ni fumanezi zibiso ye, kona mo Ni ifumanezi. Yomuñwi wakona kunyema ni kubulela kuli, “Kihande, Ha ni si ka bala siemba seo mwa Bibebe.” Kono, haiba ha u si ka bala zeo, litaba za kale li ibulezi, mwa bona. Kacwalo ki likande leliswana, fela ki kubonisa fela—fela—fela papali yenyinyani mwa mufuta.

59 Mi, kacwalo, kona cwalo! Kona cwalo! Yo ki munyana hao nji? Oh, ubonahala mane inge wena fela! Mi ki mushimani yomunde. Mwakona fela kubulela kuli u cwalo. Ku lukile.

60 Cwale ubata kutaha kwanu u toina fahalimu fa nji? Kuna ni tusizana totuabeli, kamba tusizana totulalu. Mawi, zeo ki zende fela mi ki zatabisa! Cwale Ni bata. . . Likande nyana le kakusasana cwana ki la basizana babanyinyani ni bashimani. Missus Collins, Ni lumela lumela kuli ki mina bao foo, ni kezeli yomuñwi yomunyinyani; u bata kuya kwani, mulatiwa, u yo ina fafasi. Eehe, Ni lumela kuli kuna ni sibaka se fa, haiba kalibe uka—uka nyanganyisa kabuka ka hae. Mi—mi cwale ona *fa* kuna ni lipula zepeli kulo fa.

61 Ni bata bashimani ba banyinyani ba kaufela ni basizana kwanu kwa pata, kuli Ni ambole ni bona. Kwanu, fa luna ni lipula zeñwi fa. Lubone fela kuli kube ni lipula zeñwi. Eeni, sha. Zeñwi za zona lika lu tusa ona fa. Kacwalo, lubata se kuba fela kwa bashimani baa ni basizana babanyinyani. Oh, mawi! Kana ha ki hande cwalo? Cwale zeo ki. . . Ni lumela kuli muna ni kuba ni zelikani cwalo, Muzwale Neville, Ni bona babañwi cwalo! baba taha. Mi cwale zeo ki zende fela!

62 Ki ba bakai bahame babaliteni mo? Amunanule mazoho amina. Oh, zeo ki zende! Cwale, zeo ki zende mane zatabisa.

63 Cwale haiba mina basizana babanyinyani kwa mulaho mubata kutaha kwanu, amutahe kwanu ona cwalo, haiba uhulile kuli wakona ku ba kwahule ni mama. Mi boma babata ku mi tisa kwanu, kihande, a mu mu bulelele kuli atahe. Ki za boma, hape. Ku lukile, cwale.

64 Na mi bulelela, bana, lu balile fela timana. Kana kaufela mu bata kubulela taba ye hamoho nina? Kana kaufela mubata kubulela timana ye hamoho ni na? Cwale, ifumaneha ku Muñoli Mateu, kauhanyo ya 16 ni timana ya 25, se lu ka ambola ka sona. Cwale babanyinyani ba . . . Mushimani ni musizana yomunyinyani kaufela, kakusasana cwana, bulela manzwi ao ni na cwale: [Bashimani ni basizana ba kutela manzwi a Muzwale Branham—Mu.] Bali, “Muhalehi Mateu, kauhanyo ya 16, timana ya 25.” Cwale amu bulele ni na: “Yalata kupilisa bupilo bwa hae uka latehelwa ki bona; mi kaufela ya ka latehelwa ki bupilo bwa hae kabakala Ka uka bu fumana.” Uka bu pilisa. Ha lu buleleni hape kuli: “Kaufela ya ka latehelwa ki bupilo bwa hae kabakala Ka uka bu fumana.” Kihande!

65 Cwale, bashimani ni basizana, mwa ziba kana? Kuna ni lika zeñata hahulu mwa lifasi ze kona kotalimwa ka niti. Mi iliñwi ya lika zani ki kuli, muna ni zona kacenu, ki moyo oli mwahala mubili wani. Mi yeo kona nto ye butokwa hahulu mwa lifasi, ku mina. Ku cwalo, ima? Muli, “Amen.” [Boma bali, “Amen.”—Mu.] Nto yabutokwa hahulu yo nani ki moyo wa hao. Mi cwale ha u babalela moyo wa hao, kipeto u ka latehelwa ki ona. Kono haiba u latehelwa ki moyo wa hao, fohe u ka u pilisa; haiba u latehelwa ki moyo wa hao ku Jesu, mwabona. Ka manzwi amañwi, haiba u lumela ku Jesu, u ba mulutiwa wa Hae. Mi cwale haiba ufa bupilo bwa hao ku Jesu u sa li mwanana sina cwana, mi cwale mu kaba ni . . . U ka u piliseza Bupilo bobusafeli. Kono haiba u—haiba ubata ku u babalela, u ka latehelwa ki ona; ehe, u ka luza. Mu bata kueza inge basizana babañwi ba ni bashimani ba bainzi kwanu, ni kuzwela fande ku yo eza mo ba ezeza, kipeto muka—muka—muka latehelwa ki ona. Kono haiba mubata kufa bupilo bwa mina ku Jesu, konakuli muka bu pilisa Kuyakuile ni kamita.

66 Cwale, muhupulange zeo cwale, seo kona sika sa butokwa hahulu mwa lifasi loote, ona moyo wa hao. Mi haiba u ubabalela, u ka latehelwa ki ona; haiba u ufa ku Jesu, u ka u pilisa. Mwakona kubulela cwalo hamoho nina? Haiba . . . [Bashimani ni basizana bakutela za bulela Muzwale Branham—Mu.] Nili, “Haiba Ni u babalela, Ni ka u latehisa; kono haiba Ni u fa ku Jesu, Ni ka u pilisa.” Kona cwalo! Cwale mu utwile. Nji ha ki kuli . . .

67 Bashemi kaufela ba ba hupula kuli zeo kizende, muli, “Amen.” [Bashemi ba li, “Amen!”—Mu.] Oh, zeo kizende! Zeo kizende.

68 Cwale, mwa bona, kuna ni nto iliñwi yo kona kueza. Cwale, amu zwelepili. Haiba ba bata kueza cwalo, ni kuba ni ze libata lifasi. . . Haiba bashimani ni basizana babata ku ya kwani ni kueza lika, ni kubulela makande ni kuambola litaba ze fosahalile, ni—ni kupuma ni kuuzwa, ni—ni kueza ze maswe, ni kulikanyisa za likolo, ni lika zeñwi, kutundamena; ba luza. Ba ka latehelwa ki ona. Kono haiba mu ka u fa ku Jesu, habana kueza cwalo, mi kipeto li ka piliswa. Zeo kona ze mublukela kueza. Nji cwani?

69 Cwale lu ka kalisa likande nyana. Cwale, ao kona makalelo a luna, cwale mu hupule cwalo. Cwale ha lu kaleni likande nyana la luna. Cwale, ku ba bahulu, ni kubo—kubo bondate ni boma, mu teezeze, ni mina, cwale; mina, sihulu mina bahame ni mina baha ndate. Cwale fela. . . mi lu ka kalisa. Mwa lata tukande nyana? Nji cwani? Oh, Na ba lata fela! Sihulu cwale. . . Mu bala makande amañata asi a niti. Kono likande le ki la niti, luli ki la Niti, Linzwi kaufela la lona. Li mwa Bibeke ya Mulimu, kona kuli lina ni kuba Niti, mwabona, kakuli Ki Linzwi la Mulimu. Linzwi la Mulimu kona Niti.

70 “Cwale, mwa ziba,” ali, “Ni katezi hahulu. Ni—Ni—Ni katezi hahulu mane inge ya shwa.”

71 “Kihande,” ali, “kiñi ha u sa pahami u yo lobala? U lobale fa mumbeta, fa sipula fahalimu fani, u yo lobala.”

72 Ki hali, “Kono, oh, Ni katezi hahulu.” Mi ali, “Oh, mulatiwa, kambe u boni se Ni boni kacenu! Oh, Ni. . . Na, kiñi. . . Ha ni lati neba mulalelo! Oh, kwa sabisa, pono ye Ni boni kacenu!”

Ali, “Kihande, ki sikamañi so boni?”

73 Ali, “Kihande, Hanikoni ku kubulelela, fapila banana, oh, kinto yesabisa! Mawi, neli yesabisa luli!”

“Kihande, ki sikamañi so boni?”

74 “Kihande, Na ya fa halimu ni lobale fa nako nyana fela, mi cwale—mi kasamulaho wa mulalelo ha se lu lobalize banana kaufela, kipeto Ni ka kui bulelela se si ezahalile kacenu.”

“Ku lukile,” a bulela.

75 Mi fa halimu fani kiyo a pahama. A lobala fafasi. “Oh, a katezi hahulu! Oh, mawi!” Mwa ziba bondate mo ba inezi ha ba katezi, ha se ba katezi luli!

76 Mi kasamulaho nyana, kasizana kakanyinyani ka meto a mubala wabu ndilu, akala kumata mata fabulilo, ni kubulela ka kuhuwa. Ali, “Sh-sh-sh, sh-sh-sh, usike wa eza cwalo. U ka zusa bondate. Mi, oh, ba katezi hahulu kufitela mane—mane a bata kushwa. Na sa lati kupila ni hanyinyani. Mi haiba bondatahe ba katala cwalo, kihande, lu ka ba tuhelela kulobala fa nako nyana. Musike mwa ba zusa.” Mi Miriam yomunyinyani, aya mi ayo ina fafasi, ka kukuza luli.

77 Mi kasamulaho nyana a lukisa mulaleo hande, kacwalo apahama fahalimu mi—mi amu biza kuli, “Amram?”

78 Mi ki hali, “Eeni, Jochebed, kina yo. Na tuluka.” Kacwalo batuluka fa mahatelo, mwa ziba, mi se baba ni mulalelo omunde.

79 Kacwalo ha se bacile mulaleo, mi mushimani nyana—nyana ni musizana ha se ba lalezi mulalelo wabona, kiñi, bana . . . boma ba buluka lika hande ni ku ba lobaza mwa mumbeta.

80 Mi kipeto ukena mwa muzuzu, yena ni muuna hae, mi baina fafasi. Ali, “Kihande, cwale, ki sikamañi so boni kacenu, Amramu, se si ku filikanyize hahulu—hahulu busihu cwana, kuli mane upalelwa neba kupila?”

81 “Oh,” ki hali, “mulatiwa, Ha—Ha ni utwisisi fela.” Ki hali, “Ni boni . . . Kihande, lwa libona zazi ni zazi, kono kacenu neli hahulu.” Ali, “Oh, Ni—Ni boni pono yemaswe hahulu ku ye Ni kile nabona fateni.” Ali, “Bashimani ba luna baba shebile, babañwi ba bona ba ba si ka fitelela lilimo ze lishumi ka zepeli za kupepwa, ne basweli kuhoha kocikala yetuna yani, ni mihala inge itamelezwi mwa mulala sina *cwalo*. Mi banana bani ba hoha kufitela ba palelwa kuhoha mane, ku kambama lizulu tuna lani, ona macwe amatuna ani kwa mulaho kwani, mi ne ba si ka ya fahule. Mi kasamulaho nyana sikocikala sa kala ku kulila ni kuzamaya ka bunya, mi kasamulaho nyana sa yema. Mwa mukwakwa mwani kwataha muuna, oh, neli sipulumuki! A huwa ali, ‘Kiñi ze mu yemiseza sikocikala se?’ ‘What!’ ka miupa yemituna nyani ya litalo la noha, ni kushapa fa mukokoto, mane mali a zwa fa mikokoto yabona, ni kungonga ona *cwalo*. Mi banana bani inge ba swalelezi kwa muhala wo ni kuhuwa kuli.” Ali, “Oh, Jochebed! Ki sikamañi se lu eza, ima?” Ali, “Luna lu sicaba sa Mulimu. Mulimu u lu fuyozi. Luna lu bana ba Abrahama, Isaka, ni Jakobo. Mi ki kabakalañi ha lu kaba batanga kwanu kwa lika zeo? Oh, ki nto yetomolisa pilu bashimani bani mo ne ba lilalezi. Oh, mi Na lapela mi Na lapela mi Na lapela, Jochebed, mi ku bonahala kuli Mulimu mane ha ni utwi. Na lapela mi Na lapela, mi Ubonahala inge kuli U sikekile zebe yetibani, Ha ni utwi neba hanyinyani. U bonahala inge kuli Ha sana taba nihanyinyani.”

82 “Cwale,” musali ali, “talima, Amramu, seo ha si utwahali sina wena. U ndate wa niti, mi uka . . . Seo ha si utwahali sina wena, kakuli kamita u lu susuelize ka tata, ku lu bulelela kuli lube ni tumelo ku Mulimu.”

83 “Oh, kono, mulatiwa, haunibona fa Ni lapela katata, mi niteñi Mulimu ha ni utwi, mi kubonahala inge kuli kona liba fela mwa bumaswe kufita sapili. Hanize Ni lapela cwalo, kona mo li bela tata.”

84 Kono, bashimani ba banyinyani ni basizana, kaikuli Mulimu wa utwanga litapelo nji? [Bashimani ni basizana bali, “Eeni.”—Mu.] U utwa litapelo. Kana Mulimu wa alaba litapelo?

["Eeni."] Eehe. Kikuli U ala kapili luli? Isiñi ka nako kaufela. Nji Cwani? Batili. Fokuñwi U lu fanga kulibelega. Kana ku cwalo? ["Eeni."] Kono, Mulimu wa alabanga litapelo, nji Cwani? Mi bakeñisa fela kuli lika kaufela za fosahala, fo ha ki sisupo sa kutuhela kulapela. Lu lapele fela, nihakuli cwalo, nji cwani? Yeo ki niti. Cwale, mu alabile hande. Mulimu u alaba litapelo. Kaufela luna lu bulele hamoho. "Mulimu u alaba litapelo." Eeni. Hakuna taba kamba buino bu cwani, Wa alabanga, kupale kumane. Ku lukile.

"Kihande, kana muka lapela hape?"

⁸⁵ "Eeni." Mi bondate nebana ni sibaka sa kwa mukunda fahalimu mwa situwa. Kacwalo naile kwani busihu bwani, a yo kubama kwa matuko, mi ali. . . Cwale ki hali, "Jochebed, zwelapili cwalo cwalo uyo lobala, mi wena ni banana. Kakuli, musike mwa ni kataza, Ni ka lapela mwendi busihu kaufela."

⁸⁶ Kacwalo akubama ka mañwele, mi a lapela ni ku lapela. Na mu bona ha nanula mazoho a hae, ni kubulela kuli, "O Mulimu wa Abrahamama, Isaka, ni wa Jakobo, hupula sepiso ya Hao kwa sicaba sa Hao! Ki luna ba mo mwa Egepita, mi lu mwatasa litamo. Mi, oh, bazamañisi ba luna ba batanga basweli—basweli ku hapeleza kueza lika, ni ku lushapaka mo ba latela, mi sicaba saluna ba shebile mi—mi ba tubulwa liapalo, ni kulushapaka ka litupa. Mi luna lu sicaba sa Hao. O Mulimu, kaniti Uka utwa tapelo! Luli Uka alaba litapelo! Mi Na lapela mi Na lapela mi Na lapela, mi ni U bonahala kuli mane ha U ni alabi. Kono, Mulimu, Ni lumela kuli Wena u Mulimu, mi U kwa mafelelezo uka alaba litapelo." Mi a lapela ona cwalo, busihu kaufela.

⁸⁷ Mi habusa lelitatama, mwendi ka sili kamba fo kiloko, u taha fa mapahamelo. Mi utalima kwani, ni kwani mi nekuna ni musala hae yomunde, Jochebedi yani. Nali mwa mumbeta inza lobezi. Mi ni Aruni yomunyinyani ni Mirriam na sa apesizwe kale mwa mumbeta, kacwalo nebana sweli kuozela hahulu mo ne ba konela, ni kulobala. Ku lukile. A mu bulelela. . . Ki hali, "Se li busihu, mi usweli fela kuba ya. . ."

⁸⁸ "Eehe, Ni lapezi busihu kaufela." Meeto a hae na tezi fela mioko, kakuli na lilela sicaba.

⁸⁹ Mi ki hali, "Talima, Amram, ha ulukeli kutondoka katata ka taba yee."

⁹⁰ "Cwale," ki hali, "teeleza, mulatiwa. Zeo ki zende. Kono cwale talima, una ni banana bababeli baba utiwa mo. Mi mutiyo ki waka. Haiba mutu ha lapeleli sicaba sa hesu, ki sikamañi se si ka ezahala? Ki sikamañi se si ka ezahala haiba mutu haana sishemo mwa pilu? Kuna ni ya lukela kulapela."

"Kihande," musali uli, "Amram, mutiyo yo ha ki wa hao unosi feela."

91 “Kihande, ku bonahala cwalo. Mi nihakuli cwalo, Ni ka lapela, nihakuli cwalo, nako kaufela!”

92 Uya kwa musebezi zazi leo. Mi zazi ni zazi wa taha ni kuya, ka manyando aswana asapili. Mane nana ni musebezi otata. Nana ni kueza cwalo. . . Ne ba beya sileze mwa likombole zetuna, mi na yemanga kwatuko ya mulilo wa ondo yetuna yani. Ha ne ba ikwalula, oh, mawi, no bata kubuha litalo la hae, ona mufutumala omaswe wani! Neba pikulusanga masitina ani kwani ku a cisa mwa ondo, ku a yokola mwateni; kuyaha mikwakwa yemituna yani, ni ma tawala amatuna amatelele, kwa milimu ya maswaniso ni lika kaufela. Mi yena muuna wa Mukreste sakata yo ya na sebeza kwani sina cwalo, kusebeleza sila. Kono nali mutanga, nali mwa butanga. Nana ni kueza cwalo.

93 Busihu ni busihu ha na taha kwa ndu, na lapelanga. Ni kuya kupahama fa mahatelo hape, ni kulapela ni kulapela ni kulapela, ni kutuluka. Ne li sa bi hande; kona lizwelapili kuba bumaswe.

94 Mi zazi leliñwi kwa mubeleko a utwa mabulatwi. Ali, “Kinto mañi yeo? Kinto mañi yeo? Amu ni bulelele!” Yomuñwi a shobotela yomuñwi. Kasamulaho nyana, lizazi li si ka likela kale, ne se li hasanezi kai ni kai mwa naha, se ne si na ni kuezahala.

95 Neli sikamañi sani? Katengo ne ka ka lukela ku kopana busihu bwani. Mulena wa kale Faro, mulena ya situhu wa kale na ka biza sicaba sa hae kaufela hamoho, ni kuba ni mukopano omutuna. Kacwalo ne ba na ni mukopano omutuna wa katengo ka kwani.

96 Kacwalo busihu bwani akena mwahali, oh, nali ya swabile. Akena mwahali, mi musala hae ali, “Amramu, mulatiwa,” amu katanyeza fa munyako ni ku mutubeta, mi ali, “Ni lukisize mulalelo wa hao omunde luli mi wa futumala. Kono,” ali, “mulatiwa, u bonahala buseta hahulu. Ki butata mañi?”

97 Ali, “Oh, Jochebedi, kambe wa ziba fela ze sweli ku ezahala! Oh, li maswe hahulu kufita sapili!”

“Sikamañi?”

98 “Sh-sh, hanikoni kubulela mane, banana ba sa tona. Libelela kufitela luca mulalelo, mi Ni ka ku bulelela zateni.”

“Kihona.”

99 Kacwalo, alukisa lico kapili. Ni kufeza kuca mulalelo, mi aisa banana kaufela kwa kulobala.

100 Kacwalo, ba kena mwa musiyo. Ki hali, “Jochebedi, Ni bata ku kubulelela nto yeñwi.” Ali, “Iliñwi ya lika ze sabisa hahulu ya ezahala.”

“Sikamañi?”

¹⁰¹ Ali, “Ba kaba ni mukopano omuñwi kacenu, busihu boo. Mi ha ba eza cwalo, baka beya mutiyo omuñwi fahalimwa luna sicaba.”

¹⁰² Kacwalo, he, ha lu ye kwa muleneñi wa mulena. Mulena Faro ubaisa kaufela kwande kwani, mi ali, “Ki hande, mina lindwalume! Muna ni butata mañi kwanu? Ni fa taelo yaka fa! Sicaba se si sweli kuekezeha ka nako kaufela! Ki butata mañi? Kikuli halukoni kutuhelisa se nji?” Ali, “Zazi leliñwi kuka taha mpi yeñwi kwanu. Mi ni lila zaluna ze kaufela, kukalela kwa Gosheni kwani, Maisilaele ba, ba ka kopana ni mpi ye, mi ba ka lu koma. Mane sifumu sa luna sesituna si ka bulumuka, mubuso wa luna omutuna uka sinyiwa. Baka lu nga. Ki butata mañi bo buli ni mina? Yomuñwi, abulele! Kana ha mu zibi za kubulelela?” Oh, nali wa situhu, mi situhu luli. Manduna kaufela ba njanja.

Alimuñwi wa bona a nanuha, mi ali, “Upile kamita Mulena Faro.”

“Kihande, bulela so bata kubulelela!”

¹⁰³ Ali, “Upile kamita mulena. Muñaka, sha,” ki hali, “Ni lakaza kuli u ekeze mitiyo fahalimwa sicaba se.”

¹⁰⁴ “Wena sikuba tuwe mwa katendele! Mu se mubeile kale mitiyo yemiñata fa sicaba, kono ni cwalo ba sa ekezeha. Kiñi, wena, haiba kona fela muhupulo o sweli wo, ipulukele ona!” Oh, nali ya buhali.

¹⁰⁵ Kasamulaho nyana yomuñwi a yema, ni lumenyo lolutuna fa sifateho sa hae, inge diabulosi. Mi ki hali, “Pila kamita Mulena Faro.” Ali, “Nina ni muhupulo.”

Ali, “Kihande, bulela! Usike wa yema fela fo cwalo!”

¹⁰⁶ Ki hali, “Ni ka ku bulelele se lukona eza.” Ali, “Wa ziba, sicaba se si sweli kuekezeha hahulu kapili.”

¹⁰⁷ “Eeni, yeo ki niti!” Ali, “Babañwi ba bona, batu babañwi mwahala bona bana ni bana babaeza lishumi ka babane, fokuñwi ba na ni bana baba mashumi amabeli. Mi sicaba sa luna mane mwendi habana neba wa lubandangoti.” Ali, “Basweli ku ekezeha hahulu, basweli fela kukwahela naha kaufela.”

¹⁰⁸ Mwabona, Mulimu nasweli kueza nto yeñwi. Mwabona, Mulimu kamita ukwahelanga boya fa meeto a diabulosi, mwa bona. Mwabona? Wa ziba Sa sweli kueza. Mwabona? Mi basali ba kaufela bana ni fela buñata bwa banana.

¹⁰⁹ “Kiñi,” ki hali, “upile kamita mulena. Kihande, Ni ka kubulelele sa kueza. Nako kaufela musali ha puluha mbututu wa mushimani. . . Muzwele kwande mwa naha mo ku yo nga basali babañwi baba si ka. . . ba ba si bahame. Mwa bona, basali be ne basina bana fateni, basali baba sa bati bana ni ba ba sa lati bana, maloi ba lingo zetelele ze sikami. Mwabona, ngo yetelele, kona yende! Minwana yemitelele ya kale, lifateho ze pentilwe, ni ku ba biza. Ha ba zibi kuli lilato la me ki sikamañi. Cwale

he mbututu wa mushimani ha pepwa, kupalañi, ba ya ku yo nga mbututu yomunyinyani wa mushimani yani, ni ku mu tisa ku mju natisa toho kwa limota mane ipance, ni ku mu yumbela ku mahe mwa ndu sina cwao. Ni ku mu nepela mwa musima omutuna wa mezi. Oh, haiba ki hande kufita foo, ba ka muisa fande ni kutama mazoho ni mahutu a hae, ni ku munepela fande, ni ku mu fepisa kwa likwena. Cwalo kona mwa ku ba feleza. Mi habana ku ekezeha hahulu, kakuli hakuna kuba baana baba ka siyala; lukabe lu bulaile limbututu zenyinyani kaufela.”

¹¹⁰ “Oh,” Faro uli, “seo ki sesinde! Woo ki mulelo o munde!” Mwabona diabulosi mwa inezi? Ki ya maswe, nji cwani? Ali, “Kona kuli yeo kona nto ya kueza! Amuye munge. . . Mu nani. . . Cwale, kakuli una ni mulelo, Ni ka kubeya fela kuba mutoneli wa zeo. Zayama u yo nga basali bahulu kaufela bo ziba, baba—baba si ka ba kale bahame, mi baba sa lati bana. Mi bakaba ni. . .” Bona. . .

¹¹¹ Mwa bona, si lwala me kuli alate mwana. Wa hupula mo ne ba ku latela bo maho? Kihande, cwale mwabona, boma ba lata limbututu zenyinyani.

¹¹² Kono neba na ni kunga mutu yana—yana sina. . . ya na sina bana, ya na sa lati bana, fela—fela—fela basali bahulu ba ba situhu luli. Mi ali, “Baeze bapolisa. Mi ha mu ba eza mapokola, ni kubafa litaelo zakuli bakene mwa ndu kaufela ye ba bata kuya kuyona, ni kuzwisa mbututu yomunyinyani kaufela mwateni ni ku munatisa toho kwa limota, ni ku mu nepela kwa likwena ku li ikole. Mbututu yomunyinyani kaufela!” Oh, haki bumaswe ni boo! Konakuli mwa ziba ze ne ba ezize?

“Ku lukile, zeo ki zende!”

¹¹³ Mi ka zazi le litatama Amramu hana sweli kubeleka, autwa kuli taba yani ne i ezizwe taelo.

¹¹⁴ Oh, a ya kwa ndu. Mi ali, “Oh, Jochebedi! Oh, mulatiwa, halu bone ni ku bulelele nto yeñwi. Wa ziba mulao omuñwi cwale, o tisizwe? Wa kubulaya limbututu zenyinyani kaufela.” Mi a mu bulelele. Ali, “Oh, Ha ni koni fela ku li yemela.” Apahama fahalimu fani hape, ku yo lapela. Busihu bwani alapela kufita sapili.

¹¹⁵ Kana lu swanela kuzwelapili kulapela? Oh, zwelapili kulapela! Kana ku cwalo? Muzwelepili fela kulapela, hakuna taba ka ze ezahala. Zwelapili kulapela!

¹¹⁶ Cwale, mi taba yapili mwa ziba, na lapezi busihu kaufela kuli, “O Mulimu, ube ni makeke! Tusa, Mulimu! Lu lapela kuli U lu tuse ka nzila yeñwi.” Kuzwa kwa mulaho kwani a tulula, ka nako ha lipazula.

¹¹⁷ Zazi ni zazi, mi, oh, ha ki sitongo ni seo mwahala naha! Zazi ni zazi ne ba utwa bahame inge ba huwa, mwa mikwakwa. Ne ba ba amuha limbututu zabona mwa mazoho, bana babanyinyani,

limbututu zeli telee zenyinyani. Baloi bani babasali ne ba ba kenela mwani mi, ni kuswala mahutu a zona amanyinyani, ni ku li natisa kwa limota ku li bulaya, ni ku li nepela mwa likwena. Me wa mubotana kipeto u wa ka mañwele, mi kipeto wa lila, “Oh, musike mwa nga mbututu wa ka! Musike mwa nga mbututu waka!” Mi, oh, ki nako ye cwani yene ba nani!

118 Mwa ziba me mwa latela mbututu, ni mwa mu natela natela kwa silelu. Mwa hupula boma mo ne ba ku nanulela ni—ni ku kutapisa, ni ku kutubeta, mi—mi—mi ne ba bulela mo bezi yomunde. Ni mo ne na ku lobalelize fa mumbeta busihu. Mi, oh, haiba—haiba no ka. . . sikwalo se si nyinyani ne si kwaluha, butata nyana bo ne butaha cwalo, nto yeñwi, oh, mawi, ne ba matela kapili ni kukwala sikwalo, ba apesa mbututu yani, mi, mwa ziba, kipeto ba mu nanula. Na ku lata. Mwabona? Na ku lata. Oh, na lata mbumbu yenyinyani yani yana mufile Mulimu, ye ne si na tuso mi ne i sa koni kuitusa ili yona, kacwalo na lata mbututu yomunyinyani yani. Mi a tubeta fela mbututu yani ni ku bapala ni yona, kakuli na li mbututu wa luli. Mwabona?

119 Kono basali bahulu bene ba bulaya limbututu, ne ba sa zibi lilato la me mo liinezi. Ne ba si bahame. Kaufela zene ba hupula, nebana ni fela nako yende mwa minahano ya bona, lika za lifasi, kona kuli ne ba bulaya limbututu zani. Mu sa li banana kuli muzibe zeo, kono li sa zwelapili. Yeo ki niti. Cwale mina babahulu mwa ziba ze Ni bulela. Yeo ki niti, zeñata zateni mane! “Oh,” mu li, “Ha ni koni kunga. . .” Kono taba ya kusulula mba ki nto yeswana. Ku lukile, kono mwa bona ha ba zibi kuli lilato la me ki sikamañi. Cwale mwa ziba se Ni talusa ha Ni bulela kuli “bahame”! Yeo ki niti. Hakuna shutano; ki diabulosi yaswana! Kacwalo he, cwale, bona. . . Munahane fela likitikiti ze alulwa ka likitikiti ze alulwa ka likitikiti, ka silimo, neli nto yemaswe hahulu sina mo ne kuinezi mwa Egepita, kamba kufitelela.

120 Mi kwani, cwale, ba taha, ne ba si na lilato la me, konakuli ne ba nga limbututu zani ni ku li bulaya. Oh, ne li nze lizwelapili mwa bumaswe ni bumaswe. Mi zazi leliñwi kwataha mabulatwi amañwi, kuli ba kaba ni mukopano omuñwi.

121 Faro abiza baelezi ba hae kaufela hamoho, bona, kaufela bona hamoho, bataha mwateni: ali, “Ku lukile, ba sa ekezeza! Lu kaeza sikamañi ka sona cwale?”

122 Yena mucaha yo ya butali, yana hula ka situhu, kwa sifateho inge diabulosi. Ki hali, “Upile kamita Mulena Faro. Nina ni mulelo nina. Talima, u na ni muuna ya beleka. U ba belekisa kufoloma masitina, amañata cwalo ka lizazi, u ba sebelisa ka kuitusisa bucwani ni mandobu. U so bulaile ba—ba banana ni lika zeñwi, kono ba sa ekezeha. Taba ye mulukela kueza, ki kubeya basali kuli ba beleke, ni bona. Haiba ubeya basali kuli ba beleke, konakuli habana. . .” Cwale, seo ha ki sibaka sa musali. Batili. Kacwalo se bali, “Kono u sebelise basali, ni

ku ba isa kwande kwani, kuli bafolome masitina, nibona. Mi kipeto ba ka katala hahulu ha ba kena mwahali, habana—habana kukona kutatehela baana ba bona mulalelo, habakoni kuba bahame babande, mwabona. Mi kacwalo haiba ba ka sebeza ni kuzwelapili ona cwalo, konakuli habana—bakona kueza zeo. Kacwalo, u ba beye mwa musebezi omutuna, ni mina.”

123 “Zeo ki zende! Mawi, u muuna ya butali.” Kacwalo abeya basali kaufela ku beleka.

124 Mi ki yo Amramu wa mubotana ataha, ataha busihu, ali, “Oh, Jochebed, Ha ni zibi se lu ka eza. Cwale basweli kubeya basali kaufela kwa misebezi. Na—Na ku bulelela, oh, Ha ni zibi sa kueza! Luna—luna—luna fela. . . Lu batanga, mi lu ba mwa bumaswe ni bumaswe. Na—Na nuha se: haiba Mulimu a lu ezeza sika kaufela, ikaba kasamulaho lumano shwa kaufela.”

125 Cwale, Mulimu ha libelelangi cwalo, nji Cwani? Batili. Mulimu u lualimanga fela ona cwalo, nji Cwani? Ku lukile.

126 Kacwalo he busihu bwani, ki hali, “Ni ya ku yo lapela mo Ni si ka lapelela kale fateni!”

127 Cwale, cwalo kona mwa kulapela, nji cwani? Mulapele mo mu si ka lapela kale fateni, luli akena mwa busebezi luli! Mwabona, haiba ukambama fela ni kubulela kuli, “Mulena, fuyola wa *Kuli-ni-kuli-ni-kuli*,” Mulimu ha—ha na taba mwa litaba zecwalo zeo. Kono cwale ha u bata kueza musebezi mwa niti! Mina bashimani ba banyinyani ni basizana ha mu lapela, mutaluse ona cwalo kuba musebezi! Kana mwa ezanga cwalo mwa likolo? Kana mwa—mwa kupanga Mulimu ku mitusa mwa sikolo? Hamu—hamu ya kwa sikolo, mi ha u pasi hande, u kena mwandu ni kubulela kuli, “Mulimu, Ni—Ni bata kuli U ni tuse.”

128 Kana mwa lapelanga? Ki bashimani babakai ni basizana baba lapelanga? Halu boneni mazoho a mina. Oh, zeo ki zende. Cwale, zeo ki zende. Kana muna ni sibaka sa kwa mukunda ko muyanga kuyo lapela, koo boma ni bo ndataho haba ku boni? Kikuli mwa lapelanga cwalo? Hamu—hami lapelangi cwalo? Mubange ni sibaka nyana, mwa picuka ku yo lapela, ni kubulela tapelo ya hao yenyinyani. Mwa lapelanga busihu ni busihu fa kulobala? Ha u zuha kakusasana, ni zecwalo? Oh, kinto yende yeo. Ki babakai bashimani ni basizana babañwi babanyinyani (munanule mazoho a mina) baba lapelanga? Mwahala muyaho. Oh, haki zende zeo nji? Kihande, cwale, zeo ki zende. Seo sibonisa kuli una ni me wa niti ni ndate ya ku luta kueza lika zee. Cwale, ha uba mwa butata luli, kihande u lapele ka kusepahala. Nji cwani?

129 Kacwalo, Amuram yomunyinyani, kiyani apahama fahalimu. Oh, mawi! Na sa lati kuba ni mulalelo. Ki hali, “Kinto yemaswe. Mawi!”

“Oh,” musali ali, “u lukela kuca mulalelo, tate.”

“Haukoni fela kueza cwalo, Jochebed. Hanikoni fela kueza cwalo. Ha—Ha . . .”

¹³⁰ “Oh,” ali, “kono u ka ota, ni kuba ya ikalezwi, mu ubonahala kufelwa ki mali kwa sifateho. Usweli kutaza lico za hao, ni lika zeñwi.”

¹³¹ “Oh, ha Ni zibi sa kueza! Kono,” ki hali, “mulikani, haiba mutu hatalimi sicaba ka pilu ya lilato, haiba yomuñwi ha lapeleli sicaba, lu ka eza sikamañi? Luya luba mwa bumaswe. Luli, nako yeñwi, Mulimu uka utwa!”

¹³² Eeni, yeo ki niti. Yeo ki niti. Mulimu uka utwa. U be mwa butungi bwa zo talusa mi uinelele fateni!

¹³³ Oh, nako ye wa kambama fahalimu ka shutano. Ha pahama fahalimu ka nako ye, wa kubama, u nanulela mazoho a hae mwahalimu, ni kuhuwa kuli, “Mulimu, Ni ambola ku Wena cwale!” Amen. Kuba ni ciseho kwa musebezi! “Mulimu, Wena una ni lizebe, mi Wakona ku utwa. Wena una meto, mi Ukona kubona. Wena una ni kupuzo; U ziba Linzwi la Hao. U ziba sepiso ya Hao. Ni kupa ku Wena, Mulimu, talima fafasi fa, Ki wena Mulimu wa Abrahama, Isaka, ni Jakobo, kuli sicaba sa Hao si mwa ñalelwa, mane sa shwa. Lu ezeze nto yeñwi, Mulimu! Lu swanela kuba ni Wena ka nako ya cwale! Lu swanela kuba ni Wena, kamba lu ka shwa. Lu swanela kuba ni Wena. Luna ni fela kueza cwalo, haiba lu pila.” Faoo kona ha se u lapezi luli. Oh, a lapela!

¹³⁴ Mwa ziba, fokuñwi batu haba lapela, ba katalanga. Nji cwani, boma ni bo ndate? Oh, ku katala luli! Muzwale Branham linako zeñwi wa katalanga mane Ni batanga kuwelela ha Ni lapela fa nako yetelele; kuwelela fela, kuina ni sa ci, ni lika zeñwi, ka mazazi amañata; ni kulapela ni kulapela ni ku lapela ni kutaza. Mi Ni fita fela fa sibaka sa kuli Ni bata kuwelela, mane. Mi linako zeñwi batu ba bana ona cwalo. Yeo ha ki nako ya ku ñala ni kuitulela. Zwelapili! Mulimu uka alaba! [Muzwale Branham ungongota fa katala halalu—Mu.] Eeni, sha. Zwelapili cwalo! Eeni, sha.

¹³⁵ Kacwalo aya inza pahama nyana, fa mapahamelo a kale ashekesha. Mi Na bona Jochebedi ataha, ni kubulela kuli, “Oh, Amramu, usike. Mulatiwa, Na—Na lumela . . .”

¹³⁶ “Cwale, Jochebedi, talima, u yomunde, ya lateha . . .” Nali yomunde, me yomunyinyani yomunde. Mi a mu tubeta fa lilama, mwa ziba, ni ku munata nata *cwalo*. Ali, “Cwale, ima, mukute kwa mulaho mi mulobaze Aruni ni—ni Miriame fa mumbeta. Mi Na ni yo lapela. Mi cwale, haiba u ni utwa inge ni lila, usike wa taha kwateni.”

¹³⁷ “Kihande, kono, Amramu, ki sikamañi so ka yo eza, mulatiwa? U fakaufi ni kushwa.”

¹³⁸ “Eeni, kono Ni—Ni na ni mutiyo wa sicaba fa pilu yaka. Nina ni kueza sesiñwi ka sona. Ni lukela kuina ka mañwele. Mi kacwalo sicaba kaufela. . .” Ki hali, “Kacenu, kacenu fela, kwani ko lu lubelanga masitina fa lilundu, Ne nili kwani, inge ni bulela kuli, ‘Kihande, kaniti, Mulimu uka utwa!’ Mi muuna muhulu yomuñwi ataha, aswalamazoho a hae mwa liteka, mi ali, ‘Kanti Uka utwa lili? Kanti Uka utwa lili?’ Mwabona batu mo ba sweli kubela ni piluseta? Basweli ku lwanisa Mulimu, kakuli ba lapela ni kulapela ni kulapela, mi hakuna ze ezahalile. Mi yo usweli kulapela ni kulapela ni kulapela, mi hakuna sene si ezahalile. Mi baprisita kaufela bali, ‘Mazazi a limakazo afelile, mi nto fela ye lukona kueza ki kuya kwa bazamaisi ba batanga ba ba lapela mahedeni, kamba balimu ba mahedeni, ni zeñwi cwalo. Mi ki sikamañi se lu kona kueza?’” Kono yena ali, “Kono Na lumela ku Jehova! Amen! Ni lumela kuli U sa alaba litapelo ni cwale!”

¹³⁹ Kana mwa lumela cwalo? [Kopano ili, “Amen!”—Mu.] Mwa lumela cwalo? Amen! Kaufela mina bmu lumela cwalo, muli, “Amen.” [“Amen.”] U sa alaba litapelo! Ku lukile.

¹⁴⁰ Mubili o otile wa kale, na sa fokozi luli. Apahama fa mahatelo inza ya cwalo, a ya mi a kubama. Ki hali, “O Jehova!” Oh, a lapela ka mukwa sa na si ka lapela kale fateni! Ki hali, “Jehova, talima kwanu! U Mulimu wa niti. Lu lumela kuli Una ni lizebe. Lu lumela kuli Una ni meto. Mi U ziba lika kaufela. Mi lu lumela kuli ki Wena Mulimu wa Maheberu, mi luna lu sicaba sa sepiso. Lu lumela kuli U buluka Linzwi la Hao.” Ali, “Talima mahedeni ba kwanu, mo ba sweli ku itusiseza mata a luna, ni kuyaha mikwakwa yemituna ni milimu ya maswaniso, ni lika kaufela. Wena, Jehova, kikuli Uka ina mwa Lihalimu ni kulumeleza mahedeni ku Ku busa? Ha ni lumeli kuli U ka eza cwalo.” Amen!

¹⁴¹ Ha ni lumeli kuli Uka eza cwalo! Amen! Mi diabulosi ha taha mwateni, Mulimu u sa li Mulimu! Kiniti! Ha na kulumeleza mioya ye maswe ye kueza cwalo. Na lumela cwana, kacenu, kuli mutinelo ni za bukuba, ni zeñwi ze bolile kaufela ze sweli kuezahala; niteñi, Mulimu u sa busa mi U sa li Mulimu! Kiniti! Se lutokwa ki mutu yaswana sina Amramu, yana ni mutiyo fa pilu ya hae, ya ka ina fani ni ku lapela katata, kufitela Mahalimu a kwaluha mwa mbyumbyulu, Mulimu a tuluka mi a alaba litapelo. Amen.

¹⁴² “Cwale talima fa,” ki hali, “Mulimu, kikuli Uka tuhela mahedeni ba some sicaba sa Hao ona cwalo? Lisunda ni likweli ni lilimo se lifelile. Lu lapela ka tundamo, ni mioko, kono. . . [Hakuna manzwi fa tepu—Mu.] O Mulimu, kikuli Uka lumeleza nto ye cwalo?”

¹⁴³ Na komokanga kacenu, kuli limbututu zenyinyani li nepelwa mwa linuka ni mwa msa, mi li sa lumelezwi kupila, ni litaba

za kusulula limba ni lika zeñwi ze eziwa; O Jehova, kikuli Uka lumeleza lika ze cwalo ku ezahala? [Muzwale Branham ungongota fa katala linako ze silezi—Mu.] Kacenu, kanti zekola ni bucwala, ni bupilo bwa busihu, ni lika kaufela, lisweli za bilaela. Mi cwale katala se ka fokozi luli kuli mane ba saba kubulela sika ka zona. Jehova, kikuli Uka lumeleza bukuba bo bu cwalo kuzwelapili? Uka alaba zazi leliñwi. Oh, buhali bwa Hae bwa sabisa ha bu taha. Eni, sha. Basali bayo itusisa meto a mbututu kuba fa kutimela kwai, kuli ba bulumunele mwateni mufuse, ni lika zeñwi. Mi batu banga limbututu zabona zenyinyani kuya kwa manwelo a bucwala, basizana babanyinyani ni bashimani baina inge batona, ba lilimo ze sikisi kamba eiti za kupepwa, ba nwa, ni lika ze cwalo. Mane naha ya li lumeleza, mi, “Kaufela li lukile.” Oh, mawi! Mu nahana kuli Jehova aliboni zeo? Kanti, basweli kubona bukuba batu baba pila hande ni Mulimu. Lika zesweli kuezahala ze kaufela, kubona bukuba. Kutundamena cwalo, kuzwelapili fela ona cwalo! Jehova u ka alaba. Musike mwa bilaela. Ku lukile.

144 Lu fitile fahule nyana. Lu mufumana fahalimu fani inza lapela. Mi a sa katezi hahulu, kipeto wa lobala. U lapela fela kufitela awela fafasi. Hakoni kuzwelapili ona cwalo, mi ki ha lobala nyana. Ki ha zuha. “Ki butata mañi? Mutalime kwa ni kwa kwanu! Kana Liseli lani li zwelela kai? Oh, mutalime, inza yemi mwa lilulu kwani.” Neku yemi Lingeloi, mukwale wa Hae inzo lepelela fa noka ya Hae. Oh, atalima hape, mi a itiinya mwa meto. A nanuha fa mañwele, ki hali, “Mulena, oh, oh, ubata—ubata sikamañi Wena kuna?”

145 Ki hali, “Amramu, Ni Lingeloi la Mulimu. Ni lumilwe ki Lihalimu, ku to ku bulelela kuli Mulimu u utwile tapelo ya hao. Mi Ni tile ku to mku bulelela kuli U ka luma mulamuleli. Wa hupula lisepiso za Hae kaufela.” Ni bona Lingeloi cwale; amu Mu talime, U comola mukwale wo. U u supa kwa mutulo. Amramu atalima. Ki hali, “Ku kusupile fela mukwale wo ki kwa naha ya sepiso. Mi Neni sepisize Abrahama, Isaka, ni Jakobo, bo ndata mina, kuli mina sicaba mu ka luwa naha yani. Mi Ni utwile kutonga kwa sicaba, Ni utwile kulila kwa bana, mi ki ha Ni shetumukile. Mi Ni bata kuli uzibe kuli u ka ba ni kakulo yetuna kuzeo, Amramu, kakuli u sepahalile mwa tapelo. U sepahalile mwa ndu ya hao. Mi ka yona ye isaho, Jochebedi, musala hao yomunde yomunyinyani, uka swala mbututu wa mushimani. Mi mushimani yomunyinyani yani ukaba mulamuleli.” Kanya!

146 Mi ali, “Oh, ehe. Eni. Oh, ehe. Eni. Oh, Ki yomunde luli.” A talima, ni Lingeloi la kala kunanuha. Kwa bonahala fela kuli mahalimu kaufela na kwaluhile, mi A zwa mwa muzuzu. A libelela fa nako nyana. Ki hali, “Oh, ha Ni ka lyangana.”

147 Ki yo atuluka fa mahatelo, kapili luli, mi ali, “Jochebedi! Jochebedi, kapili akufa!”

Ali, “Eeni, ki butata mañi, mulatiwa?”

148 Ali, “Inuka yema!” Mi liseli la kweli inge li benya mwa lihauloo, neli. . . Na bonahala hande. Mi ki hali, “Ni boni fela Lingeloi la Mulimu, mi Li ni bulelezi litaba ze kaufela.”

“Oh, Na talimile cwani?” kwa bulela mahe. “Na bonahala cwani?”

149 Ali, “Oh, Nali yomunde. Na apezi sapalo se si benya. Meeto a hae natuka. Mi Nana ni mukwale mwa lizoho la Hae, mi A li supeza kwa mutulo.” Yani kona nzila, mwa ziba, naha ya sepiso i inezi kwa Egepita; ku kambama neku lani, Palestine. Ki hali, “Na supeza kwa mutulo. Mi ki Hali ne lukaba ni mbututu isaho ka nako ye, mi mbututu yomunyinyani yo uka pepwa mo abe mukomi, mi uka lamulela sicaba sa Hae. Oh, haleluya, Jochebedi!”

150 Mi alemuha kuli neli yomusweu. Sifateho sa hae, meto a hae na tlubukile, meto a hae amatuna inza talima. “Jochebedi, ki butata mañi?”

“Oh, Amramu! Batili, batili, batili! Luna ni mbututu wa mushimani?”

“Eeni.”

151 “Oh, wena. . . Haku konahali. Mwa ziba kana? Oh, kambe ne musina pono ye. Mwa ziba kana, Faro, u sweli kubulaya limbututu zenyinyani kaufela.”

152 “Eeni. Kono, wa ziba, haiba Mulimu uka lufa mbututu yo, Mulimu uka babalela mwana yani. Amen! Mulimu u sepisize. Mulimu uka mu babalela.”

153 Kihande, zazi lelitatama aya kwa kusebeza. Ni balikani kaufela kwani, ba mu lemuha Amramu. Kufita kuli atahe, mwa ziba, kaufela inge ba obami ni ku katala, na colomokile maheta, ali, “Nife kwateni masitina amañwi. Kifo, ha lu ye!”

“Ki butata mañi?”

“Kanya ku Mulimu! Mulimu uka alaba tapelo.” Oh, batili. . .

154 Mwa ziba, si mi utwisa hande ha mu amuhela kalabo. Kana ha lu zibi cwalo, bo ndate ni boma, Mulimu ha fa kalabo? Ha u lukeli kubona pono. U zibe fela kuli kalabo iteni, ku felile. Ku felile, ziba fela kuli kalabo iteni.

155 Cwale, muteeleze hande cwale, Ni bata kuli muteeleze, sene si ezahalile. Cwale mwa ziba, kasamulaho nyana, ali, “Ku lukile, Amramu, ki butata mañi bo buli ni mina?”

156 “Mulimu uka alaba litapelo! Mulimu uka alaba litapelo!”

“Kihande, kana U ka alaba cwani tapelo?”

“Zeo halina shutano ni yekana.”

157 Mucaha alimuñwi ayema, mi ali, “Cwale unahana kuli Uka alaba lili?”

158 “Kihande, Ha nina ku ku bulelela, kakuli ha u mulumeli, nihakuli cwalo. Ni fe kwateni masitina amañwi.” Kuba nepela mwateni sina *cwalo*...?...Usike wa bilaela; ha u lukeli kubulelela baba sa lumeli lika kaufela, nji cwani? Hakuna shutano ni yekana. Batili, sha. Batili kutokwa. “Ni fe kwateni masitina amañwi. Haleluya! Uka alaba litapelo!” Cwalo kona mo mu i kutwela ha muziba kuli li ka ezahala. Nji cwani? Eeni, sha.

“Kihande, kana U ka eza cwani zeo?”

159 “Ha u zibi, nihakuli cwalo, konakuli zwelapili fela kunifa masitina.” Abeye mwani kaufela, beya mwateni masitina ani kaufela.

160 Busihu bwani aya kwa ndu, ali, “Oh, Jochebedi, nahana fateni, lu kaba ni mbututu! Oh, ukaba mulamuleli! Mulimu uka mu luma. Oh, ikaba nto yende.”

“Oh, kono Ni cwalo . . .”

161 “Oh, tuhela kubilaela! Tuhela kubilaela! Mawi! Mulimu wa tokomela—Mulimu u sweli wa teezeza cwale. Mulimu una ni lizebe; Mulimu wakona kuutwa. Mulimu una ni mazoho; Wa kona ku lamulela.” Kacwalo, oh, nana ni tumelo yeñata hahulu.

162 Mwa ziba, ha u lapela katata, ukaba ni kalabo, uka ba ni tumelo yeñata luli foo. Oh! Kana ukile mwa lapelela sika, mi uziba kuli Mulimu na ka ku ezeza sona? Kana mina basizana ni bashimani ba banyinyani, mwa ezanga cwalo? Eehe. Luli. Foo kona fa Na . . . Foo kona fo u zibela kuli lika ezahala. Ku lukile.

163 Silimo mutumbi sa fira. Mi taba yapili mwa ziba, kiyo Amramu ataha kuzwa kwa musebezi zazi leliñwi. Mi ki sikamañi sene si ezahalile? Mbututu yomunde hahulu, oh, nali yomunde yomunyinyani, mwendi yakuma fa *cwana*. Mi kacwalo amu nanula, a muisa ku Amuramu. Mi wa mutubeta, mwa ziba. Wa mulata, mwabona. Mi bomahe ne ba mu sweli. Oh, ha ki mupuzo ni woo! Se bali, “Oh, Na saba luli, mane, wa ziba. Mbututu yomunyinyani yo, kinto yemunati yenyinyani.”

164 Mi mwa ziba kana? Biblele ibulezi kuli yani neli yena mbututu yomunde hahulu ku be a pepwa. Cwale Ni ziba kuli bahame ba ka palelwa ku lumelelana ni na ka zeo. Uh-huh. Ne ba hupula kuli . . . Bo maho neba hupula kuli u mbututu yomunde hahulu. Nji cwani? Eehe. Una ni tukelo ya kunahana cwalo. Kono Biblele ibulezi kuli yo neli mbututu yomunde yomunyinyani. Oh, nali licwe la butokwa. Mulimu nana ni mazoho a Hae ku yena, mwa ziba. Kacwalo, oh, nali nto yende yenyinyani luli! Na lobezi fani, mi na menya fela, ni busisini bo bu sina meeno.

165 No sina munyana hao wa mushimani ni babañwi, yana ka eza cwalo, kanti nasina—nasina meno, neli fela busisini ona *cwalo*?

Mi taba yapili mwa ziba, “Wah!”

“Oh, mawi, bunde! Whew! Na ziba, ha lu mu pateñi fela.”

“Ki butata mañi? U eza sikamañi?”

166 “Amu muise fafasi. Mwa ziba mulao mo u inezi. Mwabona, haiba maloi bani ba lingo zetelele bataha kwanu, ba kanga mbututu waluna ni ku mu bulaya. Yeo ki niti. Ha lukoni ku mu tuhela inge alila.” Kacwalo, oh, natokwa kuca—kuca mukushuko kamba mulalelo. Kacwalo bomahe ba munga ni ku mubeya mwa lilulu, ba mu anyisa, mwa ziba. Mi a kuza akula.

167 Kacwalo masihu amabeli kuzwa fani, ne ba sweli kubapala ni yena, mi, “Wah!” Ona fani aya hape, mwa ziba, akala kulila. Musali a ya kapili, mi a mupata—amupata kapili ona cwalo. Mi kutuluka cwalo, aya fafasi, mwa limota, Amramu nana ni sibaka nyana mwa na patile mbututu.

168 Mi cwale nto yapili mwa ziba, ba utwa nto yeñwi fahalimu inge izamaya. . . [Muzwale Branham ungongota fa katala—Mu.] *Wheh!* Uile! Mañi ni mañi a sabela kwa sibaka silisiñwi, ali, “Bani ki bona. Bani kona baloi bakale, ba minwana yemitelele, manala a petilwe!” Mi baloi ba kale. . . Atalima kwani, mi atalima mwa lihaul, ali, “Ehe, bani ki bona. Ba yemi fani.”

[Muzwale Branham ungongota fa katala—Mu.] “Kwalula!”

169 Amramu wa kale azwela fande, akwalula sikwalo, ali, “Mu bata sikamañi?”

170 Ali, “Una ni mbututu mwahali mo, mi lwa ziba cwalo. Mane lu ka mu nga.”

“Haluna mbututu wa ku mi fa.” Neba sina yena.

171 “Lwa kena mwahali lu to bata, kanti. Lu basali ba mapokola. Bona lizibiso zaluna?” Mi seo ki. . . Hanili seo ki nto ya lukela kuba musali? Kono, “Luna luna lu mapokola babasali. Lu filwe litukelo kwa muuso!” Mwa ziba, luna ni bona kwanu cwale. Mi kacwalo—kacwalo he ba ya kwateni, ba kena mwahali. Ba kena mwahali baina fa sipula, ni kukwalula likwalo zeñwi kaufela, ni kunepakela kaufela fa bulilo, ni kunga masila kaufela a fa mumbeta ni ku atutulela fande. Ni kupahama fandu yafahalimu ku yo fumana kone ba patile kanto nyana mwa mukunda. Ba talima kai ni kai, kono ne ba si ka fumana mbututu.

172 Ne ba si ka fumana mbututu, kacwalo ba ya ku musali kwani, mubotana—mubotana Jochebedi inza yemi fani, sifateho sa hae sa sweufala. Ba taha cwalo, bali, “Amutalime kwanu! Lu ziba kuli wena u—u me. Lwa kona kubulela ka mubonahalelo wa hao. Lu ziba kuli u musali ya anyisa, mi lu ziba kuli mbututu uteni mo. Lu ka kuta. Lu to munga!” Bazwa mwa munyako mi baikela. Ba nata sikwalo, mi bazwela fande baya.

Musali ali, “Oh, oh, lukona kueza sikamañi? Ki sikamañi se lukona kueza?”

173 Kacwalo Amramu ali, “Lapela.” Kana kona nto ya kueza yeo? [Bashimani ni basizana bali, “Eeni.”—Mu.] Kana kona nto yeo? “Lapela! Halu lapeleni.”

“Oh, oh, oh! Hani zibi sa—sa kueza. Oh!”

174 Kacwalo ki hali, “Cwale, talima, amu kuze, mi u yo anyisa mbututu hape. Ni ya fahalimu ku yo lapela hape.”

175 Mi uya fahalimu a yo lapela. Mi ali, “Jehova, Una ni lizebe. Jehova, Una ni meto. Jehova, Wa kona ku utwa. Wa kona kualaba tapelo. U lufile mbututu yo. U lu file sepiso ya Hao. Mi U ka buluka sepiso ya Hao, mi U ka buluka mbututu yoo. Mi Na sepa cwalo!”

176 Kasamulaho wa kulapela, akatala hahulu, awa—awa fela sina *cwana* mi akena mwa buloko. [Muzwale Branham ulikanyisa kuhona—Mu.] Na katezi hahulu! Na belekile musihali kaufela, ni kulapela busihu kaufela. Na katezi. Mi kipeto mwa ziba sene si ezahalile? Na ilo lobala buloko, mi a lola tolo.

177 Mwa ziba, Mulimu ubulelanga mwa litolo, hape, nji Cwani? Luli, Wa alabanga. Eeni, Wa alabanga. Wa kona. Mwabona? Mi U bulelanga ni ka litolo.

178 Oh, ha to zuha, ki hali, [Muzwale Branham uliza munwana wa hae hañwi—Mu.] “Kona cwalo! Ne ni lukela kunahana ka zona. Kona ze Ni lukela kueza.” [Muzwale Branham ungongota fa katala linako ze ketalizoho.] “Hanina fela kubulela sika ka zona.”

Ki yo wa tuluka fa mahatelo. U li, “Jochebedi!”

“Ehe, mulatiwa? Oh, Ni katezi maswe. Hanikoni ku lobala.”

“Oh, a ku lobale. A ku lobale. Ku felile.”

“U ziba cwani?”

“Oh, Na ziba fela. Nina ni fela sepo!”

179 Kufita kuli bondate, busihu bwani, ba ye fandu ya fahalimu ku yo lapela, ba ya mwatasi mwa malibela. Ne ba patehile kwani. Ha ni zibi ze ne baeza. Ha lu tulukeni ku ba boni. Na mubona fafasi fani, waya. . . [Muzwale Branham ukala kuñuñuna, ni kungongotela hasweli kulyaha sika—Mu.] “Slam, slam, slam.” [Muzwale Branham wa ñuñuna.] U nga litaka le, ni ku litalima, kulifetula ni kubona haiba ki lelinde. [Muzwale Branham wa ñuñuna.] Aruni yomunyinyani aya zazi lani, ni ku yo tisa amañata mwa mazoho, a a lula fafasi mwa malibela, mwa ziba. [Muzwale Branham wa ñuñuna.] “Mulimu wa ku babalela.” [Muzwale Branham wa ñuñuna.] “Bulapeli bwa nako ya kale, kaufela zona lina ni kuba za niti!” [Muzwale Branham unata fa nto yeñwi.] Mu li tame hamoho.

Ki hali, “Amramu, ki butata mañi bo buli ni wena?”

“Haleluya! Hakuna, mulatiwa. Zwelapili cwalo.”

180 [Muzwale Branham wa ñuñuna—Mu.] “Ki bulapeli bwa kale.” [Muzwale Branham wa ngungula hape.] “Ki bulapeli bwa nako ya kale.” Mutise se *fa*, mwa ziba. “Ki bulapeli bwa mufuta

wa kale.” “Shhhhhhh,” amu li kwahele kaufela. “Mi ki bobunde kunga! M ni fe bwani bwa kale . . .” Na sweli kueza nto yeñwi.

¹⁸¹ Mwa ziba, kasumulaho wa sunda kamba zepeli kufela, taba yapili mwa ziba, ne ba komoka sa na eza.

¹⁸² Kacwalo busihu bobuñwi ha ne ba lobezi, u tuluka fahalimu ni kutisa nto yenyinyani ye, mwa ziba. U i tisa fahalimu sina *cwana*. Mi wa taha ni yona. U apula lisila fo ku lobezi Jochebedi musala hae, ni ku i beya mwatasi a lisila. Mi Aruni yomunyinyani ni—ni Miriame ne ba lobezi, mwa ziba; oh, nali nto yenyinyani yende, musizana yani nali cwalo, mi ni Aruni kona mwa na inezi. Kacwalo, a ibeya mwatasi mwani. Ki hali, “Jochebedi, mulatiwa.”

¹⁸³ Mi ali, “Kana ubile mwa malibela cwalo inge u lapela nako ya busihu, Amramu?”

Ali, “Awa. Ni bile mwa malibela, inge ni lumba Mulimu.”

Ali, “U bile ueza sikamañi?”

¹⁸⁴ Ali, “Ni bata ku ku bulelela. Cwale, wa ziba kuli maloi ba kale bani bakuta.”

“Ehe.”

¹⁸⁵ “Mi Ni bata ku ku bulelela se lu ka eza. Lubile ni mbututu cwale ka likweli zetalu, mi lu lukela ku i toboha yena.”

“Oh, Amramu! U lukela kueza sikamañi?”

“Lu lukela ku toboha mbututu.”

“Ku itoboha mbututu?”

“Ehe.”

“Oh, u na ni pilu seta!”

“Batili, ha Ni na bumaswe. Batili, batili, batili. Na ziba ze Ni eza.”

¹⁸⁶ “Ki sikamañi so talusa? Kiñi, ukaba ya maswe hahulu sina Faro. Lu tuhele mbututu wa luna?”

“Ehe, lu tobohe mbututu wa luna.”

“Oh, halu koni!”

¹⁸⁷ “Cwale teezeza. Haiba lu mu buluka, lu ka mu tonda. Mi haiba lu mufa ku Yena ya Na lufile, Uka mu fumana.” Kana ki hande foo? “Cwale, haiba u mu buluka, lu ka mu tobelwa.”

“Kana u ka mu latehisa cwani?”

“Kiñi, maloi bani baka taha mi ba to ikungela yena.”

¹⁸⁸ Mi talima, haiba ubuluka moyo wano ni kuzwelapili kupila mwa lifasi uiketile, u ka mu tonda. Baloi ba lihele ba kutaha mwa mulaho. Mi yeo ki niti. Ona bukuba bwa kale bo kaufela bwa lifasi ni lika zeñwi kwande kwani, za kutahela mwa mulaho. Haiba u mu buluka, uka mu tonda; kono haiba u mufa ku Yena Yana ku file mwana, u ka mu fumana ni ku ikutela yena. Kinto

mañi cwale? Haiba lu i kutela yena, lueza sikamañi? [Bana ba li, “Amu mu tamulule.”—Mu.] Mu mutamule. Haiba lu mufa ku Kreste, lueza cwani? Lwa mubuluka. [“Lwa mubuluka.”] Amen! Zeo ki zende. Cwale musweli kualaba hande.

¹⁸⁹ Cwale ki hali, “Jochebedi, lu ka latehelwa ki yena haiba lu ipulukela yena. Kacwalo haiba lu mufa—lumufa ku Yena ya Na lu file yena, kipeto lu ka ipulukela yena.”

¹⁹⁰ Cwale u na ni moyo. Mi, bondate ni boma, mueze zeswana. Kono haiba mu ipulukela yena, mu ka latehelwa ki yena. Yeo ki niti. Maloi ba lihele ba ka munga. Kaufela basweli ku mu bata! Kono haiba u ka likutisa ku Yena ya Na kufile zona, uka libeya kwa Bupilo bobusafeli. Haleluya! Amen! Mu ni swalele, bana, Ni—Ni mutu fela wa kale kuli ni huwe. Haiba mu i pulukela ona. . . . Halu buleleni cwalo, kaufela hamoho: [Kopano ibulela hamoho ni Muzwale Branham—Mu.] “Haiba mu ka ipulukela, muka latehelwa ki yona; haiba mu i fa ku Yena ya Na mi file yona, muka ibuluka.” Amen. Muhupule cwale, mu i fe ku Yena.

¹⁹¹ Cwale ha lu talimeñi. Oh, akala kulila. Mi ali, “Oh, ki sikamañi so ka eza ka yona?” a bulela.

“Talima kwanu, Ni bata ku ku bonisa nto yeñwi.”

“Ki sikamañi so nani mwatasa mumbeta wa ka moo?”

Ali, “Tuhela ni ku bonise.” Mi a si hoha mwateni.

“Oh, ki sizuma nyana za kuma!”

¹⁹² Ki sisepe se si nyinyani, kona mo siinezi. Hasina muhala, hasina mufuluhi, hasina masila a si zamaisa, kono niteñi si ka lwala sibyana sesinde hakalo se si kile sa lwaliwa ka sisepe, kufita ka nako yani. Mwa utwa! Hasina kapitao kamba bazamaisi ba sona. Muzwale, Na ziba Sisepe sa yomuhulu, sesi cwalo, hape!

¹⁹³ “Oh,” ki hali, “Ni- . . . alubone ni talime fateni, Amramu, ha lu bone.” U taha kwanu.

¹⁹⁴ Ali, “Talima fa, kuna ni sikwahezo nyana fateni. Wabona?” U kwalula sikwahezo fateni.

Musali ali, “Whew! Munko! Uh! Whew! Mawi!”

Ali, “Eeni, za nunkelela.”

“Kiñi?”

¹⁹⁵ “Ni matehile ka bulota. Kaufela i matehilwe, mwahali ni kwande.” Ku imateha ka bulota, mwa ziba, kacwalo ba beya bulota ni bulimbwe mwahali ni kwande. Kona za na bilisa mwotasi fafasi fa, ni ku li sululela fa mataka aa. A i mateha. Ali, “Mwabona, mezi hakoni kukena mwahali. Wabona, i matehilwe kaufela mwahali ni fande.” Mi ali, “Mi hakoni fela kukena mwahali, mezi hakoni kukena mwateni. Ni i matehile.”

Ali, “Whew! Inunka bumaswe!”

¹⁹⁶ Mina banana cwale bulota kinto mañi, ha ba sweli kueza mukwakwa, “Oh, ona munko omaswe!” Kono buka—buka—buka buluka za . . . Buka—buka kwahela miandala kaufela ya mukwakwa. Mi kona mo si ezezwa ni se, i tibela mezi.

¹⁹⁷ Mi seo kona se i eza tapelo ku mulumeli. Kona se si buluka lifasi kwahule ni wena, ki ha u ipeya fa mañwele ka bulota, ni kubulela kuli, “Mulena Jesu!” Mi Mali ataha fafasi, mi A ku swaya kaufela kuli diabulosi hakoni ku kuswala. Mwabona? Yeo ki niti. Mwabona? Kacwalo he, oh, linako zeñata batu bayanga kwa ni kwa ni kubulela kuli kinto yemaswe, kono, seo ha si ezi shutano ni yekana, sa mi beya mwa buiketo. Yeo kona nto yabutokwa, kubulukiwa hande. Kuli, “U wa kale,” kono, seo hasina taba, si ku beya mwa buiketo.

“Kihande,” ali, “luka eza sikamañi?”

¹⁹⁸ “Ku lukile,” ali, “Ni ka ku bulelela se lu ka eza. Lu ka nga mbututu, mi lu kaba ni ku ikaba nyana. Mi lu ka nga mbututu ni ku mubeya mo, ni ku mubeya mwa Nuka ya Nile.”

¹⁹⁹ “Oh! Batili! Batili! Batili! Amramu, haukoni kubeya mwana luna mwa nuka.”

²⁰⁰ “Eeni! Eeni! Na ziba ze Ni eza.” Mwabona, na bile ni tolo, na ziba sa kueza. Mwabona, Mulimu na mu laezi. Na ziba za kueza. Kina ya ezize se, mi abona kuli neli ona mufuta luli wa areka yene pilisize Nuwe kwa mulaho kwani mwa nako ya hae.

²⁰¹ Kacwalo ki hali, “Talima fa, Ni na ni lisuba nyana le ni punyize fahalimu a yona, kuli akone kubuyela. Mwabona, wakona kufumana mufutumala wa lizazi mwahali mwani.”

²⁰² Mi mwa ziba, areka mwa Bibeleya Kale, kwa mulaho kwani, ne i ezizwe ka nzila yeswana. Mi neina ni lisuba fahalimu a yona, kuli mubone mwahali, mwa bona, ni kwa na lukela kotalima.

²⁰³ Kacwalo mbututu yo cwale, yasina libizo, mane na si na neba libizo; yomunyinyani, yasina libizo, mi ibo neli mbututu yomunde hahulu lifasi loote.

²⁰⁴ Busihu bo butatama, hane ba kutile, mi ba libelela kufitela ka sili kiloko kakusasana, ni kipeto se baba . . . Wa ataha fateni. Mi afeza kulapela. Wa ya kwani, mi ki hali, “Cwale kifo taha, Jochebedi, zuha!”

²⁰⁵ Mi kacwalo ba zusa Aruni yomunyinyani ni Miriame yomunyinyani. Oh, ki ha taha mi a to mu beya mazoho, musali ali, “Tate!” Miriame yani, ki hali, “Hamuna ku tuhela munyana luna, mbututu, ni cwani, ni ku mubeya mwa Nile mo kuna ni likwena zani kaufela?”

²⁰⁶ Mi akutisa milili ya hae kwa mulaho sina *cwalo*. Mi yena . . . Nana ni milili yeminde, ni milili nyana yeminde. Mi kacwalo a mu tubeta kwa lilama leliñwi. Ki hali, “Mulatiwa, za ni utwisa bumaswe, nina. Za ni utwisa bumaswe, nina, kono lu lukela kueza se.”

207 Mwa bona, basizana babanyinyani ni bashimani, fokuñwi luna ni kueza lika ze lu utwisa bumaswe, kono luswanela kueza cwalo, nihakuli cwalo. Mi basizana ha ba bulela kuli, “Yela, kana ukile wa zuba fateni kwai?”

Mi u ka li, “Batili.”

208 “Kihande, mulike iliñwi! Oh, Ni mulikana mina, mwa ziba. Eehe, u like cwalo.”

209 Kono mina, za kona ku filikanya hanyinyani, kono muli, “Huh-uh. Ha ni li lati.” Mwabona? Mwabona? “Ha ni li tabeli.”

Ali, “Kikuli uka taha, lu ye hamoho kwa kubuha maswaniso manzibwana kacenu?”

210 “Batili, batili. Huh-huh. Ha ni yangi kwa kubuha maswabiso.” Mwabona? Zakona ku filikanya hanyinyani fela. Mwabona?

211 “Oh, wena u siyalezi fela wa kale.” Usike wa lumela zeo. Zakona ku filikanya hanyinyani. Sikulula fela toho ya hao kuzona; kona nto yende ya kueza, mwa bona. Kamita muezange cwalo, muezange zende. Ku lukile.

212 Mi cwale basizana habasweli kuituta mubinelo nyana wo wa kale ni zeñwi zecwalo, ni kubata kuli muezze cwalo; mu ba bulelela kuli, “Batili, batili.” Ha muezzi cwalo, mwabona.

213 “Oh, kihande, ki nyakalalo yetuna.” Hauna taba kamba ki nyakalao yecwani. U bata kueza se si lukile, kacwalo kamita ukana u eza ze lukile. Cwale, muhupule fela seo cwale. Hamuna ku si libala, nji cwani?

214 Cwale, cwale ki sikamañi sene ezize? Ba nga mbututu yani fani, ni ku funduka. Mi Aruni yomunyinyani ataha, ki hali, “Tate, mu ka eza sikamañi ni mbututu wa luna?”

215 Ki hali, “Aruni, ina fa lihutu laka fa, mulatiwa.” Ali, “Talima, Aruni. Haiba lu ka buluka mbututu, luka eza sikamañi?” [Kopano ili, “Mu latehelwa kiyena.”—Mu.] “Kulatehelwa ki yena. Kono haiba lu fa mbututu mwa mazoho a ya Na lufile yena, luka eza sikamañi?” [“Lu mubuluke.”] “Lu mubuluke.” Yeo ki niti.

“Kono cwale muka eza cwani zeo, tate?”

216 “Ha ni zibi. Hani zibi mo li ka ezahalela, kono Mulimu uka li eza cwalo.” Mwabona?

217 Mi kacwalo he ba beya mbututu yenyinyani mwani, mi kacwalo a ya. Mi ki bao baya cwale, baya kwa sikwalo. Ba ya kwa sikwalo, u talima neku *le* kuliba mwa mukwakwa, uliba mwa mukwakwa *wani*. Hakuna sibaka, hakuna ya taha. Ali, “Aku tahe, Jochebedi. Aku tahe, Aruni. Taha, aku tahe, Miriame. Ha lu ye.”

218 Ba nga areka yenyinyani ni kuya kwa lindembela fa nuka. Oh, ki nako yetelele li si ka pazula kale. Mi fa kutaha

Aruni yomunyinyani, kwa mulaho kwani inza sweli Miriame yomunyinyani, muzwale ni kezeli, inge ba lila. Mi Jochebedi ya shebile, wa ya ni yena, ali, “tisha, tisha, tisha, tisha.”

“Sh-sh-sh-sh! Basweli kubabalela mukwakwa. Mu tokomele. Sh! Mu tokomele.” Inge ba latelela cwalo mwa nzila. “Sh-sh-sh! Mu tokomele.” Inge ba lwezi mbututu yani. Mi bomahe ne ba lwezi mbututu, mi—mi bondatahe inge balwezi areka.

²¹⁹ Ba ya kwa nuka. Oh, ki nuka yetuna, kona yabubeli ku zetuna, hahulu mwa lifasi. Mi kacwalo, he, nuka yetuna tuna, yebuba luli, mi yetezi likwena zeñata ni lihahabe. Oh, neli ze kima. Whew! Ne ba li fepa ka bana bani kaufela. Ne li fela ze kima. Mi—mi ki hali, Jochebedi abulelela Amramu, muuna hae, ali, “Oh, kucwani haiba lihahabe li ka mu nga? Kucwani he haiba likwena za mo li ka muswala?”

²²⁰ Ali, “Usike wa bilaela. Haiba li ka nangukiseza lingo za zona kwa bulota bwani, li ka sabela kwahule, mwabona. Kona libaka ha li sweli kununka, mwabona. I ka nangukiseza ngo mwahalimu,” ali, “haikoni ku nunkelela nama ya mutu, kacwalo ika mu siya. Bulota bwani bu ka nunka hahulu kufitela lisaba. Li kaba fela hande. U si ke wa bilaela.” Kacwalo ba . . . Mi ba i beya fafasi, ba lula areka fafasi. Mi musali ali . . . “Cwale anyisa mbututu.”

²²¹ Kacwalo bomahe ba nga mbututu ni ku i anyisa, mi ba anyisa mbututu kufitela akula mukushuko wa hae, kakusasana luli. Mi he musali [Muzwale Branham ueza mulumo wa kutubeta—Mu.] a mu tubeta. Mi ali, “Cwale, Aruni, wakona ku mu tubeta.” Mi Aruni wa mu tubeta. Mi ni ku muisa ku Miriame, ni yena wa mu tubeta. Mi boma ba mu tubeta, mi, “Oh,” se bali, “Na fela . . .”

²²² “Cwale, sh-sh-sh! Cwale amuteeleze, lu lukela kuba masole. Mwabona? Lu lukela kuba masole. Cwale mina kaufela mubata ku mu tubeta hape?” Kaufela bona ba mu tubeta, hape, ni hape. Mi ba mu lobaza mwateni.

²²³ Mi boma ba luka kakubo kakanyinyani, ni ku mu lobaza kukona, ni kasamo nyana. Ba ka beya mwateni. Ki hali, “Mbututu waka yomunde yomunyinyani, Mulimu aku fuyole.”

“Sh-sh-sh! Cwale, Mulimu uka tokomela zeo. Usike wa bilaela.”

²²⁴ A kwahela sikwalo sani. Mi taba yapili mwa ziba, bondatahe ba kala kuhoha koti yabona, ba tubula hembe yabona. Ki yo a ya, inza cimbauka fa mezi.

²²⁵ Ki sikamañi se mu nahana kuli nga sibaka mwa Lihalimu, ka yona nako ye? Haleluya! Mwa ziba, lika ha li ezahala fa fafasi fa, kuna ni se si ezahala kwa halimu Kwani, hape. Amen! Ni bona Mulimu a nanuha fa Lubona lwa Hae, wa zamaya, uli, “Gabriele! Gabriele! U kai?”

Gabriele ali, “Ki Na yo fa, Mulena.”

226 “Taha kwanu! Ni ku bonise nto yeñwi!” Ali, “Mina Mangeloi kaufela mutahe kwanu, fa muzuzu, Ni bata ku mi bonisa nto yeñwi. Nina ni batu baba Ni lumela. Eeni, Ni na ni batu baba Ni sepa. Amutahe kwanu, fa muzuzu fela! Ki nto yende ku mina Mangeloi kaufela, amu talime fa. Amutalime!”

“Ki kai kana?”

“Ona fafasi fani. Talima fande.”

“Eehe, ehe. Eehe, Na bona cwale.”

227 “Amutalime fafasi fani. Mwabona mafelelezo a—a—a mataka a nuka ani fani, lindembela zani ni lika zeñwi?”

“Eehe.”

“Mwabona fani!”

“Ki nto mañi yeo?”

228 “Kuna ni muuna ya nanuzi mazoho mwa halimu, ukubami ka mañwele, yasweli ku Ni biza. Kiyani me ya sweli kulila, ni bana bababeli babasweli ku lika. Ba Ni sepa kuisa kwa mafelelezo luli. Gabriele, wa hupula ha no keni? Wa mu hupula muuna yani?”

229 “Eeni, Ne ni mu katani mwa muzuzu busihu bwani mi na ambola ku yena. Uh-huh.”

230 “U sa Ni sepa. Nina ni batu baba Ni lumela! Ni na ni sicaba se si ka Ni sepa kuisa kwa mafelelezo!” [Muzwale Branham ungongota fa katala linako ze silezi—Mu.] “Mwa mubona? Amu mutalime.”

“Eeni, oh, kana haki bundume bwani!”

231 Bondatahe basweli kuzamaya mwa mezi, ba kala kukasha ka kolo hanyinyani.

Na Mu utwa ha bulela kuli, “Gabriele!”

“Eehe, Mulena?”

232 “Biza Mangeloi a eza teni sauzande atahe. A fe litaelo za kueza onafa kapili. Biza limpi za Lihalimu. A lume kaufela fafasi ni fahalimu, atahe fa mahatelo a Lihalimu, ni ku abeya kaufela fahalimu ni fafasi mwa Nile. Ni laela kuli kusike kwa ba kwena ye ka swala sibyana sani! Hakuna se si ka si swala! Musike mwa lumeleza neba sikwati sa kota kutha fakaufi.” Haleluya!

233 Gabriele ali, “Li ka ezahala.” Mawi! A liza tolombita! Mangeloi a teni sauzande ataha a i tukisize!

“Muzamaisi. U kaba kai, Mulena?”

234 “Ni kaba kwa mafelelezo amañwi.” Yena kamita ubanga kwa mafelelezo a ku amuhela. “Ni ka libelela kwa mafelelezo amañwi. Nina ni mulelo. Batu ha ba Ni sepa, Nina ni sesiñwi, mulelo; ukaba hande ku bona.” Ku lukile, U ya kwa mafelelezo amañwi.

235 Ni bona Mushe. . . kamba Aruni yomunyinyani ni babañwi, ha ba kuta mwa mukwakwa, inge balila. “Sh-sh-sh-sh-sh! Mu tokomele zeo.”

236 Mi Miriame yomunyinyani, usali teni inza yemi, a talimezi. Ki hali, “Oh! Oh!”

237 Ali, “Ki fo Miriame, se li ya lipazula. Ki fo, mikombwe se ilila ya kupazula kwa lizazi. Ki fo, se liya li pazula. Ki fo, mulatiwa, ha lu ye!”

238 Ali, “Oh, tate, tate! Shangwe, nako ye hape. Ha lubone fela niyeme, ni lumeleze ni bone se si ka ezahala. Ni ka taha kwa ndu fa nako nyana.”

239 “Oh,” [Muzwale Branham uliza munwana wa hae—Mu.] “wani ki mulelo o munde, Miriame. Za kona kuba hande. Mu yeme fela ni kubona se si ezahala.”

“Ku lukile, Nika—Nika li bona.”

240 “Cwale, u akufele kwa ndu kasamulaho nyana. U bone fela se si ka nga sibaka. Mi u tahe, u lu tiseze makande, se si ezahala.”

“Ku lukile, tate.” Mi ona fani ba zwa cwalo kapili, neba na ni kuakufa.

241 Miriame yomunyinyani, a yema ni atalima. Taba yapili mwa ziba, se liya lipazula. “Oh, oh, oh, kinto mañi ye taha yani? Ki—ki sikwati. Batili. Kana ki sihahabe nji? Oh, a fetuha.”

242 Ha-ha! Na boni sikamañi? U bona se ba sa boni batu babañata. Mwabona? Kabyana kani kene ka kuka, inge ka cimbauka fani. Ne ba hupula kuli ne ka sina muzamaisi; ne ba hupula kuli ne ka sina kapitao. Ne ka kani. Kaufela bona ne ba kopanezi mwa matuko.

243 Ki fa kutaha ka kwena ka mwana, ali, “Oh, talima fa!” Ki kao ka taha, inge ka cimbauka ona *cwalo*. Kiyo waya. . . Oh, batili. Batili, batili. Haikoni kutaha kwa sizuma sani.

Mwani ne kuna ni mubakweli, mulamuleli, Majuda baba kuma fa sili milioni ne ba tokwa puluso. [Muzwale Branham ungongota fa katala linako ze ketalizoho—Mu.] Mioya kaufela ya madimona mwa lihele neisike ya muswala. Ku mu tibisa, areka nyana ye matehilwe ka bulota ye, fa mezi mwa nuka.

244 Nto yapili mwa ziba, sa fita fa buliba. “Oh!” Miriamu ali, “Oh! Oh! Amutalime sani! Buliba bwani, amu talime fateni! Amu talime fateni fani!” Taba yapili mwa ziba, ona fani fela se i ikela fela.

245 Kona mo si zamaela cwalo. Lu kena mwa buliba, fokuñwi, likwati nyana le. Usike wa bilaela. Kuna ni Mutu ya tokomela mwabuse. “Mangeloi a Mulimu ainzi ka kupotoloha baba Mu saba.” Amuye mina baba teni sauzande fa mukoloko wa babaya cwale.

246 Miriame yomunyinyani, wa tuluka, ni kukambama fa licwe lelituna le, wa kubama kulona ni kutalima sina *cwana*. Mi ki yo amata, u tokomela areka. Ni kuya mwa njetumuko *mwani*, ni kufita mwa lindembela zeñata se. Kasamulaho nyana sa yo kakatela fani. Ali, “Oh! Oh, Ha ni zibi!”

247 (Cwale, bo ndatahe neba mu bulelezi, kuli, “Cwale usike wa tuhela kuli mutu a bone kuli utokomela nto ye. Haiba mutu utaha, ueza fela inge kuli mane ha u talimi kwateni, u zwelepili fela ka nzila yeñwi. Usike—usike wa eza inge kuli mane usweli kutalimela kwateni ni hanyinyani, zwelapili fela kuya.” “Ku lukile,” a bulela.)

248 Wa zamaya kwa matuko a likamba. Sa to kakatela. Taba yapili mwa ziba, kuna ni sikwta sesituna sa bayambi. Mi a eza fela inge kuli ki musizana yomunyinyani ya sweli kuimaela fela. Kiyo, mwendi ka teni kiloko musihali cwale, mwa ziba, kacwalo azmata fela bukaufi ni nuka. Mi azwelapili kutalima fela kwa mulaho, mwa matuko, kubona ko si ya.

249 Kasamulaho nyana afita kwa sikwata sesiñwi. A zwelepili fela kutalima; kuzwelapili fa pata nyana. Azwelapili ku ya, ku ya fapili nyana.

250 Kasamulaho nyana utaha fa limota lelituna. “Oh, mawi, sa ya kwa buse bwa limota le!” Ki sikamañi sa kona kueza? Ha zibi za kueza. Kakuli hakoni kupahama fahalimwa limota, kacwalo a capwaela fela mwa mezi sina *cwalo*, ni kuhohoba fahalimu. A yo fita kwani, mi azwelapili kuzamaya.

251 Taba yapili mwa ziba, u mwa simu yende. Lipalisa za shoshela kai ni kai, mi ki zende luli. Cwale amu teezeze fa nako nyana. Cwale amutalime, basizana baba nyinyani. Lipalisa zende, mi, oh, likota kaufela li kokolezwi. Ne li bonahala hande! Ki libapalelo. “Oh,” ki hali, “talima fani, ki sani! Oh, mawi! Ni mwa libapalelo la muleneñi, muleneñi wa Faro, mwa libapalelo. Ki sikamañi se Ni ka eza fa? Ha ba ka ni swala fa, oh, mawi, ki sikamañi se ba ka ni eza?”

252 Mi a talima. Ki yani areka yenyinyani inge iya, mi se i yema cwalo mwa mezi mwani, ni kukala kucimbauka, mwa mezi. Ha ni zibi libaka. Mi autwa mutu ya bulela. A kuta kwa mulaho mwatasi mwa macacani. Ki ha ina, ni kukecula hande sina *cwana*, mwa ziba, Miriame wa mwanana akala ku talimisisa, mu si bona.

253 Nto yapili mwa ziba, se kutaha baana babañwi babatiile babansu inge balwezi sikuku sina *cwana*. Ni basizana ba mulena inge ba latelela mwa mulaho, inge ba opela. Mi se kutaha musali, ya na ni lisale lelituna la gauda kwa toho, ni noha yetuna ye atami mulomo (sina *cwana*) inge ili kwapaili. Mi ki musali ya bonahala hande, mi a taha. Ya apezi liapalo zende luli, ni lika zeñwi. Mi Ni utwa alimuñwi wa babeleki ba mulena

ali, “Muñaka shangwe, kikuli ubona kuli mezi a ka futumala kakusasana cwana?”

254 Miriame ali, “‘Muñaka’? Oh, yani ulukela kuba wa silena, kacwalo Ni lukela kuba mwa sibaka sa libapalelo. Mi haiba ba ni swala fa, ki sikamañi se ba ka ni eza?”

255 Ku lukile, ataha cwalo ashetumuka, ni bona baana babansu bani inge ba lwezi musumo sina *cwana*, a taha kwa mafelelezo a mezi sina *cwalo*, mi a tubula makatulo a hae. Mi musizana alimuñwi nana ni litaulo, mi babañwi nebana ni mulola. Mi naya kwa kutapa kakusasana cwani. Kacwalo aya kwani mi akala ku—ku itukisa kuli akale kutapa. Atubula makatulo a hae. Ki hali, “Ni ka cupwa minwana ya mahutu nibone haiba mezi a futumala. Oh, ki amande, fela. . . Ki sikamañi sani faale?”

256 “Oh!” Miriame, Miriame ali, “Oh! Uh-oh, ke la bona kale areka yani.”

“Oh,” ki hali, “nji ki kwena yani?”

257 Alimuñwi wa baana baba mata bani ali, “Fa muzuzu fela, Ni ka lemuha ze ezahala.” Capwa, capwa, capwa, azamaya mwa mezi. A si nanula sina *cwana*, ni kukutela mwa mezi. Ali, “Muña ka!” A sitambeka ku mubeleki wa musizana. Mi musizana a si amuhela ni ku si tambeka kuyena sina *cwana*, ni ku sitoma fafasi.

258 Ki hali, “Kinto mañi yeo? Whew, ya nunka! Sina ni bulota neku kaufela. Amutalime fa, sina ni lisuba fahalimu.”

259 Mi Miriame ali, “Oh! Oh, kiyani munyana ka wa ya! Ki yani munyana ka wa ya!”

260 Mi kacwalo ba si kwalula sina *cwana*. “Oh, neli mbututu!” Mi se sikala. . . Mbututu yomunde hahulu mwa lifasi! Mi, oh, Mulimu Yana tisize sitoyo, atisa lilato; ni lilato kaufela la Na kona kubeya mwa pilu ya mutu, mahe wa mwana, A libeya mwa pilu ya musizana yani. Mi ki—ki hali, “Ki alimuñwi wa ba Mahe- . . . Na ziba seo sili sona. Ki yena ndate ya situhu yani! Una ni situhu! Ya bizize kuli bana ba Maheberu kaufela kuli ba bulaiwe. Mi alimuñwi wa bashemi bani u yumbile fela mwana hae, alibelela kuli uka fita kaufela kwa ka yo fuwekela. Oh, una ni pilu yemaswe! Kihande, haana kubulaya yo kwateni, kakuli yo cwale ki wa ka.” Uh-huh, mwa bona Mulimu mwa sweli kuezeza?

261 A mu nanula, mi [Muzwale Branham ueza mulumo wa kutubeta—Mu.] a mu tubeta. Mi mbututu a lila. Mi ha na lila, a futumaza pilu ya mwana mulena. Ki hali, “Mutu yasina mulatu yoo.” Ali, “Ni ka munga mi Ni ka mu biza. . . Ni ka mufa libizo.” Mi fani kona fa na be ezwi libizo.

262 Neli mañi libizo? [Kopano ili, “Mushe.”—Mu.] Mushe. Mi *Mushe* italusa kuli “ya zwile mwa mezi.” Mwabona?

263 Ki hali, “Cwale Ni ka mubeya libizo la Mushe, mi ukaba mbututu waka. Ni ka ikutela yena. Kono cwale,” ki hali, “kono Na ni mubeleki, Hani koni ku mu anyisa. Ha—Ha—Ha nina mwa ku mu anyiseza.” Ne ba sina mabotela a ni lika zeñwi ka nako zani. Basali ne ba sa zubi kwai mane sina mo ba ezeza cwale, mwa bona, ni ku i selaela zona ka lifanu zekola. Kacwalo ali, “Kihande, haiba mwa ziba za . . .” Ali, “Kiñi—kiñi se Ni ka eza?” Kacwalo ki hali, “Ni . . .”

264 Alimuñwi wabona ali, “Ni ka ku bulelela, muñaka, Ni ka fumana musali ya anyisa aku anyisezange mbututu wa hao.”

“Oh,” musali ali, “zeo ki zende luli.” Hanyinyani . . .

265 Sesiñwi sa bulela, Lingeloi lene li yemi fani mwa sicacani, lali, “Miriamé, ki yeo nako ya hao! Ki yeo nako ya hao!” Miriamé yomunyinyani a matela kwateni. Ali, “Usike wa bulela sika cwale, usike wa kutuhela fela. Zamaya u bulele kuli uka ‘bata neni,’ mi u yo biza bomaho.”

Ku lukile, kacwalo abulela cwalo. Ki hali, “Muñaka shangwe!”

266 Cwale, ka butu fela, na ka bulela kuli, “U eza sikamañi mwahali mo?” Kono, mwabona, Mulimu na li apesize kaufela. Kiñi? Nana ni Mangeloi aeza likiti ze lishumi ana laezwi. Mwabona? Tukiso ya hae ika beleka. Nana ni Mangeloi aeza likiti ze lishumi a na yemi fani.

267 Kacwalo taba yapili mwa ziba, ali, “Za hao . . .”

Ali, “Ehe, mulatiwa mwanana tuwe, ki sikamañi so eza kwanu?”

268 Ki hali, “Ni ku boni fela ni mbututu.” Ali, “Na ziba ko kuna ni bome babande baba kona ku babalela mbututu wa hao.”

269 Ki hali, “Zamaya, u yo ba tisa, u babulelele kuli Ni ka ba holisanga sili handeleti dollars ka sunda ka ku ni babalelela mbututu yoo, mi Nika bafa sibaka sesinde sa kulobala mwa muleneñi. Mi haiba wa ziba ko kuna ni musali wa Muheberu, ya anyisa, yakona ku anyisa mbututu yoo, yo ki mbututu waka.”

Ali, “Eeni, muña ka, Ni ka ku nopela alimuñwi.”

270 Ali, “Cwale, libelela fa muzuzu fela! U si ka ya kale mwa muyaho, uswanela kuba ni kunutu ya mwateni. Mwabona, ha u zibi kunutu. Zazi ni zazi luna ni kunutu. Cwale, kunutu kacenu, mwa ziba seo neili sona? ‘Foloko ya mwa simu ni libunda la bucwani.’” Ali, “Zeo kona so lukela ku bulela kuli u kene mwa munyako.”

271 Kacwalo Miriamé wa mwanana akitima katata kuya, katata mwa na konela, mi atula limota, ki yale awela mwa mukwakwa, ni kushetumuka neku *le*, ni neku *le*, katata ka lubilo mwa na konela. A matela mwa ndu.

272 Mi—mi Amramu kona ana sa zo taha fela kwa ndu, ni Jochebedi. Mi, oh, ne ba swabile, ba bilaezwa ze ezahala. Ki hali, “Mbututu waka mwai! Mbututu waka mwai!” Mahe . . .

273 Ki hali, “Cwale aku teeleeze fela.” Ali, “Ni tile fela fa nako nyana yefitile kwani mwa mukwakwa, mi me ya shebile yani u bulukile mañi ni mañi mwahala musihali kaufela. Ba tile ku bo lu bapani ni bona kakusasana cwana, mi ba pwacauzi toho ya mbututu kaufela yene liteni fa bukaufi ni luna.” Mi ali, “Mo ne ba huwela ni kulila! Cwale, ha ni zibi, za mbututu wa hao, kaufela ko ainzi. Ko kuinzi mbututu wa luna, Mulimu uka mu babalela.”

274 Ona fani fela sesiñwi sa utwahala . . . [Muzwale Branham ungongota fa katala hane—Mu.] “Oh! Oh! Ki bao foo, fa mnyako cwale.” Kacwalo, ba ya mi ba talima. Batili, ne si cwalo. Neli Miriame.

275 Ki hali, “Oh! Oh, Miriame! Taha kwanu, mulatiwa! Kiñi ze ezahalile ku mbututu?”

Ki hali, “Ima, Ni na shwile maswe tala.”

Ali, “Kono ki sikamañi se si ezahalile ku mbututu?”

276 Ali, “Ni bata kubulailwa ki tala, ima.” Ali, “Oh, kulumbwe Mulena! Haleluya! Ni shwile maswe tala, ima.”

Ali, “Kono ki sikamañi se si ezahalile ku mbututu?”

277 Ali, “Ima, Ni na ni tala hahulu Na kona kuca kaufela zeliteni mwa ndu.”

278 Ali, “Lu ka ku fa za kuca, kono kiñi ze ezahalile ku mbututu?” [Muzwale Branham ungongota fa katala halalu—Mu.]

279 Ali, “Oh, mbututu u i ketile, ima. Amu nife za kuca. Oh, Ni tabezi luli!”

“Kono ki sikamañi se si ezahalile ku yena?”

280 “Kihande, amu ni fe za kuca, Ni bata kushwa kaufela ki tala.” Mwakona kunahana zeo?

281 Musali ali, “Miriame! Ba ki bomaho ni bo ndataho. Mbututu ukai?” [Muzwale Branham ungongota fa katala halalu—Mu.]

282 Ki hali, “Ima, Ni mi bulelezi. Mbututu, Ni mu boni, mi uiketile. Cwale, ima, amu fe za kuca; Ni shwile tala. Mwa ziba, Ni—Ni bata fela kushwa kwa tala.” Sina mo mubelanga hamutaha kwa ndu kuzwa kwa sikolo, mwa ziba; oh, mulukela fela kuba ni sesiñwi.

Kacwalo, a yo mungela liñende. Ali, “Cwale ni bulelele.”

283 Mi akala kutafuna, “Yum, yum, yum,” kuca, mwa ziba, cwalo. Ali, “Ima?”

Ali, “Ehe, kono ki sikamañi se si ezahalile ku mbututu?”

284 “Kiñi,” ali, “ima . . .” A mu bulelela likande. Mi ali, “Ima, amu tine litino zende hahulu zemunani, ni kulonga sutukesi yamina itale, kakuli mu yo babalela mbututu.” Oh! Oh! Oh!

“Sikamañi?”

285 Haiba mu ituhela, mu ka ifumana hape. Kana ki cwalo? Haiba mu i buluka mu ka latehelwa ki yona. Haiba mu i fa, ku latehelwa ki yhona, mu ka ifumana. Kana ki cwalo?

286 Mi Miriame yomunyinyani inza sweli kuca. Ali, “Eeni.” Ali, “Mu ya kwa muleneñi kacenu. Mi ha ki zeo fela, kono mu ka, fiwa, mu ka holanga sili handeleti dollars fa sunda, mi malobalo amande mwa naha, inge mu babalela mbututu wa mina.”

287 Nako yapili mwa litaba za kale za lifasi foo musali akile a lifiwa ka kuanyisa mwana hae tota. Mwabona mo Mulimu a ezezanga lika? [Muzwale Branham ukambela mazoho halalu—Mu.] Haleluya! Ku ikanyiseza mwana hae luli, ni kuholanga sili handeleti dollars fa sunda, mwa misiyo yeminde hahulu mwa naha. Mulimu uezanga lika, nji Cwani? Kana ki kwa butokwa ku lapela? [Kopano ili, “Eeni.”] Kana ki hande kulapela? [“Amen.”]

288 Kacwalo, a nga sutukesi ya hae a i longa. Lu ka akufa cwale, luka kwala fa muzuzu fela. Kuli lube . . . A longa sutukesi ya hae, mi kapili awela nzila, ka kuakufa fela mwa na konela aya. Mi taba yapili mwa ziba, ki ha taha; mulibeleli yomotuna na yemi fani ni muwayo wa hae o mutuna, ali, “Ki mañi ya taha fani?”

Musali ali, “Ki foloko ya kulimisa ni libunda la bucwani.”

“Taha fita.” Mwabona Mulimu mwa ezezanga lika?

289 Aya ku mulibeleli yatatama. Kwani a comola mukwale wa hae, ali, “Ki wena mañi? Ki mañi ya taha foo?”

Ali, “Foloko ya kulimisa ni libunda bucwani.”

Ali, “Amu tahe.” Mawi! Mwabona Mulimu mwa ezezanga lika?

290 Zamaya ikele, zamaya utalime mwa muleneñi; akala ku kena, mi bamwa muleneñi kaufela ba to mutala, ba comola miwayo ya bona. “Ki mañi ya zamaya foo?”

Ali, “Foloko ya kulimisa ni libunda la bucwani.”

“Kena mwahali.”

291 Taba yapili mwa ziba, muuna a zwela fande, ali, “Kana ki wena kalibe yomunyinyani ya libelezwi ki muñaka?”

“Eeni.”

292 “Mi kana yo ki yena nasi ya anyisa wa mbututu yana fumanwi kakusasana cwana?”

“Eeni.”

293 Ali, “Kihande, amu mutise mwahali.” Kacwalo atisa mbututu mwahali . . . kamba kutisa bomahe mwahali.

294 Mi—mi yena—yena mukwae mwana mulena ataha fande, mi ki hali, “Kana kuna ni zo ziba za limbutuutu?”

Ki hali, “Eeni, shangwe muñaka.”

Ki hali, “Talima mbututu yo. Ha ki yomunde nji?”

“Eeni, shangwe muñaka. Eeni.”

Ali, “Kana wa kona kuziba ku anyisa mbututu?”

“Eeni, shangwe muñaka. Luli.”

295 “Kihande,” se bali, “Ni ka kufa, lituwelo za hao ki, ma dollar a sili handeleti ka sunda.” Hum! Hanili Mulimu neli yomunde? Mi ali, “Mi una ni musiyoyomunde mwa muleneñi, mane lico za hao li ka tisiwanga kuwena. Wena mane ha u tokwi neba kuzwela fande ku yo ikapeela lico.” Ali, “Cwale, ki yo mbututu, u tokomele. U si ke wa mu wisa.”

“Oh, musike mwa bilaela, Hanina ku mu wisa. Musike mwa bilaela, Hanina ku mu wisa.”

“U mu tokomele luli ku babalela za ngana.”

296 “Musike mwa bilaela, Ni ka tokomela. U ka fiwa tokomelo yeswanela luli.” Luli, neli mwana hae, mwabona. “Ni ka mufa ze swanela luli.”

“Wa bona kuli ki mwana yomunde nji?”

“Ki yomunde luli,” a bulela.

“Ku lukile.”

297 A kwala sikwalo, fapila Miriame, ni bomahe, ni Mushe yomunyinyani. Mi cwale sikwalo ha si kwaliwa, a talima kafa ni kafa. Ki hali, “Tsk-tsk-tsk! Mi na hupula kuli u mbututu wa hae. Ha-ha-ha-ha-ha!” Oh, mawi! A mu omba omba.

298 Ki sikamañi sa na ezize? Musali . . . Kambe na mu bulukile, ki sikamañi sana ka eza? [Kopano ili, “Naka latehelwa ki yena.”—Mu.] Kakuli, na mufile ku Yena ya Na mufile yena, mi yena (sikamañi?) a mu fumana, mi wakona ku mu uta cwale. Cwale kiñi ze ezahala ha lu latehisa . . . Haiba lu babalela bupilo bwa luna, kuezahala sikamañi? [“Lu ka latehelwa ki bona.”] Lu ka latehelwa ki bona. Mi haiba lu bufa ku Yena ya Na lufile bona, kiñi ze ka ezahala? [“Lu ka bu buluka.”] Lu ka bu buluka. Kana ku cwalo?

299 Ki babakai ba mina kaufela baba tabela kutaha kwa katala ku to lapela? Kana mwa tabela kueza cwalo? Kikuli mutabela kuli Jesu a mi babalele sina mwa Na ezelize, mbututu yenyinyani yani? Cwani . . . Kaufela luna, bana babanyinyani, ha lu kopaneñi kwa aletare kwanu cwale. Kikuli muka eza cwalo? Amutahe kwanu, mukubame kwa aletare. Halu lapeleni, kaufela mina. Bana babanyinyani kaufela cwale mutahe kwanu. Kana mu tabezi likande laka ka taba ye? [Kopano ili, “Eeni.”—Mu.] Kana mu li tabezi? Ku lukile, cwale a mutahe mupahame ona cwalo kwapili fa katala. Cwale amutahe. Mina bana babanyinyani

kaufela a mutahe, mukubame kwa aletare, mukubame fela ona fo fa—ona fa katala. Kona cwalo. Mina banana kaufela kwa mulaho, mutahe kwanu cwale, luka lapela. Ku lukile. Mu bata kutaha mi mulapele. Amutahe mu to kubama kwa aletare. Kona hande cwalo. Cwale, zeo ki zende. Zeo fela li lukile.

³⁰⁰ Cwale, bashemi babasali, mubata kutaha, ni mina, ni bondate, kaufela mubata ku kubama mwahala lipula?

³⁰¹ Cwale Ni bata ku mi buza nto yeñwi bana babanyinyani fa. Amutalime. Kikuli mulumela Jesu wa mi lata inge mwa Na latezi Mushe? Kana mu lumela kuli Mangeloi a mi babalela sina cwalo? Cwale, Mulimu na ku file moyo, nji Cwani? Cwale, haiba u babalela bupilo bwa hao, kiñi ze ka ezahala ku bona? [Banana bali, “Buka lateha.”—Mu.] Buka lateha. Kono haiba u bufa ku Jesu kakusasana cwana, cwale uka eza sikamañi? [“Buka bulukiwa.”] Uka—uka bu buluka. Ubata kupiliswa. Cwale ubata kupilisa moyo wa hao, nji cwani? Mi ubata kuhuwa kuba me wa niti ni likalibe za luli, nji cwani; ni kuba muuna wa sakata, bakutazi, ni zeñwi cwalo? Kana hamulati kueza cwalo? Cwale, haiba mueza cwalo, konakuli mufe moyo wa mina ku Jesu. Cwana kona mwa ku ezeza. Mu li, “Jesu Yomunde, se kona fela se Ni nani sa ku fa ku Wena, ki moyo waka, kono U ni tokomele mo No tokomelezi Mushe.”

³⁰² Cwale, haiba babañwi ba mina babahulu mubata ku to kubama, ni mina, babañwi ba mina bashemi, mwendi, kuli mukona kubata ku kubama fa kakusasana cwana. Kihande, ku kwaluhile ku mina, hape. Haiba mwa lata, amutahe, mu to kubama fa. Kona hande cwalo. Ki yo me ya taha ni mushimani wa hae. Kuna ni yomuñwi hape?

³⁰³ Mushemi wa muuna, bondate, mañi wa mina kaufela, haiba mubata kuba muuna ya lapela sina Amramu mwa na bezi, amutahe, mukubame, ni mina.

³⁰⁴ Ima, haiba mubata kuba inge Jochebedi, kupalañi, amutahe ona cwalo, mukubame, ni mina.

³⁰⁵ Luli, ki za mutu kaufela. Kakuli (Sikamañi?) muna ni moyo, ni mina. Haiba mu ipulukela ona, kiñi ze ka ezahala? [Kopano ili, “Uka lateha.”—Mu.] Uka lateha. Mi haiba mu ufa ku Yena ya Na mi file ona kiñi zeka ezahala? [“Muka upilisa.”] Muka u pilisa, kuya kwa Bupilo bobusafeli. Yeo ki niti. Cwale, hamu tahi hamoho, kaufela mina babakona cwale, mi ha lu lapeleleñi ni banana ba, hamoho ni luna, kamukana cwale.

³⁰⁶ Lizazi la Bahame, ki lizazi lelinde. Mi mwendi busihu bwa kacenu, Na kona kucinca tuto yaka ni kuzwelapili busihu bo ni bulele sene ba ezize boma bani, mo ne ba ezelize bomahe bani. Nali yena ya na lutile mushimani wa hae kuli a zamaise Isilaele kaufela kuya kwa naha ya sepiso. Oh, neli me wa niti. Nji ne si me wa niti? [Bana bali, “Eeni.”—Mu.] Cwale, muna ni boma ba niti, ni mina, mi boma ba mi lapelela kwateni. Nali ndate wa niti luli.

Mi ndate wa mi lapelela kwateni. Mi cwale kaufela lu ka lapela hamoho, ni kukupa Jesu ku lutusa.

Muzwale Neville, wa taha u to kubama ni luna?

³⁰⁷ Mi kaufela luna ha lu inamiseñi litho zaluna, kai ni kai. Cwale Kezeli Gertie. . . [Mulizi wa piano ukala kuliza pina *A Mu Ba Tise Mwahali*—Mu.]

³⁰⁸ Ndate Yomunde yakwa Lihalimu, likande nyana, lelibuno le kacenu, ka mazazi a kale a felile, koo ndate wa niti ni mahe, mulumeli wa niti, a taha ku Wena mi ba Ku lapela. Neba Ku lumela. Nekuna ni ñalelwa mwa naha ka nako yani. Mi kana lu ziba cwani kuli hakuna Mushe yomunyinyani wa kacenu ya kubami mo kakusasana cwana! Lu ziba cwani kuli hakuna Miriame wa kacenu ya kubami fa kakusasana cwana, hape, mupolofita wa musali!

³⁰⁹ O Ndate Yomunde, bana babanyinyani ba ba Ku lata, mi ba tile, ba kubami fa sifapahano, ba lemuha kuli bana ni moyo o lukela kupiliswa, mi basweli ku ifa ku Wena cwale. Kakuli kona lu sa zo bala fela mwa Linzwi la Hao kuli, “Ha mu ka latehelwa ki ona, mu ka u fumana; mi haiba mu ka u buluka, muka u latehisa.” Mi, Ndate, ha ba lati kubeya moyo wa bona kubona bañi. Ha ba lati kuipilela ka bona bañi. Ba bata kufa moyo wa bona ku Wena, ili kuli, ka kufa zona, ba fumane Bupilo Bobusafeli. Lumeleza cwalo, Mulena.

³¹⁰ Fuyola bashimani ba banyinyani ba kaufela ni basizana kwa katala. Fuyola bahame ni bashemi babali mo kakusasana cwana. Oh, sishemo sa Hao sa lilato ni sishemo sibe fahalimwa bona kaufela. Lu swalele, Mulena, ka libi zaluna kaufela ni mafosisa. Zwisa makulano mwahala luna.

³¹¹ Luma Mangeloi! Haleluya! Mulimu, Wena ya Na laezi Gabriele, ni Mangeloi alikana teni sauzande akena mwa musebezi, ki Mangeloi amañata cwani atile ha boni bana baba shebile ba inge ba kubami kwa katala kakusasana cwana! Sibaka se kaufela, kwa aletare ye ni mwa keleke ye, ku yemi Mangeloi a Mulimu. Lingeloi le liñola liteni mo, asweli kuñola mabizo a bona mwa Buka. Ba latehisa moyo wa bona, kuli ba ufumane ku Krete! Lumeleza cwalo, Mulena.

³¹² Mi, kuzwa lizazi la kacenu, kuya kwapili, bupilo bwa bona bo bunyinyani bobunde bo bu bunolo. Mi babe bana baba utwela bashemi ba bona ni ku Ndata bona ya kwa Lihalimu, kufitela lizazi Lo ka ba bizeza kwa Hae. Ba zamaise mwa makwati abona nyana abona, kuliba mwa buliba kaufela. Nako kaufela ha si kakatela mwa macacani, mi Mangeloi a Mulimu a si kasheze mwa mezi a kuka ka lilato la Mulimu. Lumeleza cwalo, Mulena. Mi kwa mafelelezo a nzila, ha ba fumane Munzi o lateha, ni boma bona ni balatiwa ba bona mwani mwa Kanya, koo Mulimu ayemi mwa munyako ku ba amuhela, zazi lani. Lumeleza cwalo, Ndate.

313 Lu swalele libi za luna kaufela ni bumaswe. Mi lutuse kuzwa lizazi le kuba ba Hao ka kutala. Lu beya bana babanyinyani ba mwa mazoho a Hao cwale. Mi bahame ba ni bona, Mulena, kuli ba be mufuta oswanela wa bahame fa Lizazi la Bahame le, nako ya kupuzo yefilwe ku bahame ye. Mi bona cwale, kuzwa ka lizazi le, ba be bahame ba bande. Mi bana hababe bana babande. Mi luna kaufela lube babande, Mulena, mi lu Ku sebeleze mwa butuna. Lumeleza cwalo, Ndate, kakuli lu kupa ka Libizo la Jesu. Amen.

Cwale halu opeleñi kapina nyana.

314 Kikuli mu lumela kuli Jesu u mi pilisize? Mu bata kuli Jesu ami babalele cwale, hamunze muyema? Nanula lizoho la hao ku Yena, sina *cwana* cwale. Ni bata kuli ufetuhela ku bo ndate ni boma, ni kaufela bona. Mufetuhe neku *le*. Cwale mutalime kwanu, boma ni bondate. Mina basizana babanyinyani kaufela ni bashimani amu yeme. Cwale, ki babakai baba amuhela Jesu kuba Mupulusi wa mina, mi muka sepa Jesu kuzwa kacenu kuya kwapili, ku li a mi babalele sina mwa Na ezelize ku Mushe yomunyinyani, ha lu boneni mazoho amina mwahalimu. Mañi ni mañi wa mina. Zeo ki zende! Cwale kiñi ze ezahalile? Haiba u babalela moyo wa hao, ukaba cwani? [Kopano ili, “Uka ulatehisa.”—Mu.] Uka ulatehisa. Kono haiba mu lifa ku Jesu, ki sikamañi se si ka ezahala? [“Uka bulukiwa.”] U ka bulukiwa. Cwale, kucwani haiba Jesu una ni wena kakusasana cwana? Mi mu ba Jesu cwale, nji cwale? Mu ba Jesu mushimani ni musizana.

315 Mutalime banana ba bayemi kwanu fa ni mioko. Mu ni bulelela kuli Mulimu aboni zeo? Amen. Baana ni basali ba kamuso! Amuyeme.

Mu batise kuzwa mwa simu ya sibi;
Mu batise, mu batise,
Mutise bana babanyinyani ku Jesu.

Oh, Mo Ni latela Jesu, cwale amu tahe!

Oh,

Kaufela mina.

. . . mo Ni latela Jesu,

A lu nanuleñi mazoho aluna cwale.

Oh, mo Ni latela Jesu,
Oh, mo Ni latela Jesu,
Kakuli U ni latile pili.

316 Kana ha ki nto yende yeo? Cwale, *Jesu U lata Bana Babanyinyani Ba Lifasi*. Lufe munembo wa yona, kezeli. Cwale kaufela mina mu fetuhe neku le, kuna, mina basizana babanyinyani. Ni bata kuopela kuli *Jesu U lata Bana Babanyinyani Ba Lifasi*. Ki babakai baba iziba? Ku lukile, halu opeleñi cwale.

Jesu ulata bana babanyinyani,
 Bana kaufela ba lifasi;
 Babafubelu ni bañandatalukeke, babunsu mi
 babasweu, ki babande mwa meto a Hae,
 Jesu ulata bana babanyinyani ba lifasi.

³¹⁷ Cwale, kaufela mina mu mwa busole cwale. Kana mwa ziba cwalo? Mwa ziba kuli mu inzi mwa mpi ya Mulimu? Cwale, mu ni talime cwale. Mi mu opele se hamoho nina cwale, kakuli mu masole cwale. Kana mwa ziba cwalo? Masole ba sifapahano! Cwale, *Hakulata Hanikoni Kucaula* . . . Mwa i ziba yeo? Ku lukile. Ku lukile, kale kale koo, pina ya kale ya sikolo sa la Sunda yene Ni itutile.

Hakulata hanikoni ku . . .

Cwale mina, hamoho ni na. [Muzwale Branham wa nyungana hanza opela *Ni Mwa Mpi Ya Mulena*—Mu.]

Hakulata hani koni kucaula mwa mpi ya
 masole ba mahutu,
 Kupahama fa kalvari, kukunupa lindalamiti;
 Hakulata ha ni koni kufufela fahalimu a sila,
 Kono Ni inzi mwa mpi ya Mulena.

Ni inzi mwa mpi ya Mulena,
 Oh, Ni inzi mwa mpi ya Mulena!

Amutahe nina cwale. Kaufela hamoho cwale. Cwale!

Hakulata hani koni kucaula mwa mpi ya
 masole ba mahutu,
 Kupahama fa kalvari, kukunupa lindalamiti;
 Hakulata ha ni koni kufufela fahalimu a sila,
 Kono Ni inzi mwa mpi ya Mulena.

³¹⁸ Mu lumela kuli mwakona kuopela cwalo munosi? Taha kwanu, lassie, taha kwanu. Cwale Ni bata kuli mina kaufela mufite mwa likalulo zeswana ze Ni eza. Amutahe kwanu, kwa mulaho wa aletare kwanu, cwale. Amutahe kwanu ona fa. Mañi ni mañi wa mina, mutahe kwanu fo Ni inzi, mwabona. Mutahe kwanu; hakuna yainela kwahule ni aletare. Amutahe kwanu mu be nina. Kona hande. Luli. Ona neku *le*. Cwale ha mu fetuhe neku *le*, mutalime kwa sikwata se, sina *cwana*. Kona hande cwalo. Ni bata ku mi bonisa bashimani babande babanyinyani ni basizana mo ba ezezanga ha se ba zibile Jesu. Cwale, mukutele kwa mulaho kwanu, bashimani ni basizana. Cwale mu na . . . Kona cwalo. Cwale mubone kulo foo.

³¹⁹ Cwale ha Ni bulela kuli, “Hakulata ha ni koni kucaula mwa mpi,” mina . . . “kucaula mwa mpi ya masole ba mahutu,” mwa caula ni mina, hape. Ha Ni bulela kuli, “Hakulata ha ni ko ku kupahama fa kalvari,” mueze lika zeswana ze Ni eza. Cwale muinele kwahule ni na, kwa mulaho cwale, kube sibaka. Kwa mulaho, kwa mulaho, cwale mu i tukise. Cwale amu tahe, ki fo ha

lu opeleni. [Muzwale Branham ni banana banyanganya habanze ba opela—Mu.]

Hakulata hani koni kucaula mwa mpi ya masole ba mahutu, (Mutokomele!)

Kupahama fa kalvari, kukunupa lindalamiti; Hakulata ha ni koni kufufela fahalimu a sila, Kono Ni inzi mwa mpi ya Mulena.

Oh, Ni inzi mwa mpi ya Mulena, Ni inzi mwa mpi ya Mulena! (Muitukise!)

Hakulata hani koni kucaula mwa mpi ya masole ba mahutu,

Kupahama fa kalvari, kukunupa lindalamiti; Hakulata ha ni koni kufufela fahalimu a sila, Kono Ni inzi mwa mpi ya Mulena.

³²⁰ Amen! Muyeme fela ona cwalo. Ki babakai baba lata cwalo? Muli, “Amen.”

³²¹ Cwale, Ndate yakwa Lihalimu, fuyola bana babanyinyani ba kacenu. Ki ba Hao, Mulena. Ba file bupilo bwa bona ku Wena. Ba utwa likande nyana la Mushe ni mo ne U mu silelelize. Ba utwa za me yomunde ni ndate yomunde ya na ba tusa ni ku ba uta. mi kona ni bana ba mo ba bezi ni boma babande ni bondate cwalo. Mi Na lapela, Ndate, kuli U ba talime ni ku ba lisa hande mwa nako ya maungulo, mi cwale Mangeloi a Mulimu aba sileleze. Abafe. . . Mi ni kuba kwa neku le li amuhela, u ba amuhele mwa lizazi la mafelelezo, Mulena, kukena mwa Mubuso wa Hao. Lu kupa ka Libizo la Kreste. Amen.

³²² Cwale mwakona kukutela kwa lipula za mina ni kubulelela bo ndata mina ni boma mina mo mu i kutwela hande. Amen.

³²³ “Mazazi a kuyambaela kwabona kaufela ba zamaiswa.” (Mwa iziba yeo, niyona?)

. . . a kuyambaela kwabona ba zamaiswa,
Ba isiwa kwa naha ya sepiso;
Ka lizoho la Mulena mwa zamaiso yende luli,
Ne ba tisizwe kwa likamba la Kanana.

Mañi ni mañi!

Sisupo sa mulilo mwa busihu,
Mi sisupo sa lilu mwa musihali,
Sinze si ba kwahela fahalimu, sili kwapili,
Habanze ba zamaya mwa nzila ya luna,
Ku kaba muzamaisi ni mueteleli,
Kufitela mane lihalaupa lifela,
Kakuli Mulena, Mulimu waluna, mwa nako ya
Hae yelukile
Uka lu isa kwa liseli nako ya mafelelezo.

³²⁴ Ki babakai baba kula kakusasana cwana mi ba bata tapelo? Halu boneni mazoho a mina. Ka kuba kuli se lu liyehile nyana,

mwendi lu ka isa sebelezo ya foliso kuba busihu kacenu, mi mufe fela linzwi la tapelo cwale, kakuli se lu liyehile nyana.

³²⁵ Kana mu ikozi likande nyana? [Kopano ili, “Amen!”—Mu.] Mu nahana kuli neli nto yende kwa banana? [“Amen!”] Eehe. Lu—lu ba fitelelanga ka linako zeñata. Ha lu lukeli kueza cwalo. Mwabona, Hani bangi ni nako ya kuluta sikolo sa la Sunda, mi kakusasana cwana neli nako ya kuambola ku bona. Ne ni sa lati ku mi katalisa, kono Ne ni bata ku mi bulelela likande nyana le.

³²⁶ Muhupule, bana babanyinyani, leo ha ki likande nyana fela le mu balile kai ni kai. Yeo ki Niti. Yeo kona Niti! Mulimu na ezize cwalo. Mi U inzi ni *mina* cwale. Ku lukile.

³²⁷ Halu inamiseni litho zaluna cwale halunze lu opela pina ya kuzwa ka yona, ka bunolo, “Unge Libizo la Jesu ko uya, kuba tebe kwa lila kaufela.” Ku lukile.

Unge Libizo la Jesu ko uya,
Mwana wa manyando ni bumai.



KULUTA KAZA MUSHE LOZ56-0513
(Teaching On Moses)

Liñusa le ka Muzwale William Marrion Branham, neli kutalizwe lwa pili mwa Sikuwa la Sunda kakusasana, Kandao 13, 1956, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org